

晚晴籀詩匯

第四八册



晚晴簃詩匯卷一百二十四目錄

趙春熙 八首

冷烜 一首

查梧 一首

趙勳 一首

王祖昌 六首

朱曾傳 六首

鹿林松 四首

張培 一首

黃彥 二首

周櫻 二首

李培根 一首

孫韶 三首

蔡鵬飛 一首

張鏐 五首

周珠生 七首

王熊伯 一首

曹文漢 二首

陸志堅 一首

陳授 一首

楊城書 二首

馬春長 二首

張曾懿 一首

胡正基 一首

黃璧 一首

李聖就 三首

柯振嶽 七首

吳應奎 二首

查世官 五首

陳汾 一首

朱和春 一首

許乃椿 一首

陳祖望 三首

錢善揚 一首

夏之盛 一首

范崇階 五首

曹信賢 一首

汪淮 二首

胡金題 一首

胡金勝 一首

黃定齊 五首

王人定 一首

張禮 二首

陳廷瑜 一首

何森 一首

葉時哲 二首

孫澈 一首

明倫彙編 卷一百一十四 目錄

晚晴移詩匯卷一百二十四

徐世昌

趙春熙字緝于別號陸門山樵易州人諸生有雙琴堂

詩集

盤道寺

石磴十八盤盤盤下天半窄不得連騎高欲迴飛翰如何
古殿宇撐起崩雲斷上仰萬仞梯下窺百尺澗癯僧不自
危轉爲勞人患石竇引清泉藥苗堆短案意仿趙州茶且
坐揮征汗萬岫蒼翠環千章森綠暗一綫露天痕浮青怯
仰瞰樹杪轉行人旋磨蟻零亂藉非稍息肩顛蹶將遺憾
始信天地仁低昂倏改換平衍地數弓乃在哈呀畔更假
涓滴流暍暑資清灌無險不能夷求安須歷難敢以片刻

間前途弛負擔努力復振衣登峯擬轉盼

除夕卽事用東坡集中餽歲別歲守歲韻

菜根齧儘好底用辛盤佐凍雪積柴荆璀璨勝泉貨春帖
映檐明字字如斗大戲綵童孫歡忭舞俱慵卧青鐙吐燄
紅金粟頻輝座村酒飲屠蘇老幼轉如磨一室篤天倫清
福自謂過更檢古詩篇鬪韻呼兒和

爲惜年光去甯嫌滴漏遲往昔徒把翫今茲難復追與我
共黽勉人已杳天涯寄懷空夢想何似耐貧時兩鬢髮旣
短九迴腸詎肥觀此眼前聚轉生憶昔悲壯且不足恃老
亦安得辭所嗟士有志乃遂年華衰

掃齋整書帙舊字掛龍蛇精采尙奕奕煙煤未遽遮潤屋
僅如此其奈賤貧何掩戶聊靜坐所幸無喧譁生平默自

忖慙悔面欲搥性分事無補步履忽跛斜非不歷歲月乃
竟甘蹉跎古人重髦學從此慎虛誇

園居卽事

深慙堂構負貽謀檢校琅函覓好修竹樹漸看三徑滿琴
樽幸藉一甌留析疑燭翦宵中雨學畫山呈花外樓逸興
更邀羣季詠慣搜癖事互拈鬪

枉將春及告余知石硯爲田敢望時月不憐人光倍冷花
如媚我謝偏遲幾行桃李留風月一桁雲山當友師不殖
便深將落恐腹撐何似有書詩

徑草何曾破屐痕拌他簪履散平原聽松有伴常偕影得
句誰酬自倒樽短榻久拋塵市夢殘編聊共古今論不緣
蛙鼓鶯簧奏絕少清聲聒耳喧

誠然吾亦愛吾廬種樹蒔花趣覺餘謀醉酒資人間字課
兒手寫父遺書披吟自拙謀生計衫履無華稱索居解得
春風無限樂管教塊壘自消除

冷烜字芸藥大興籍膠州人諸生

詩話膠州冷吉臣枚以畫名芸藥為其孫寄籍大興
為博士弟子能詩嘉慶丙寅河溢曹縣馬千總雲從
督兵夫捍之奮立埽上埽潰隨之去求其尸得之下
游四十里商虞廳地衣冠如故立不仆地有漢順平
侯祠民為千總塑象祀焉芸藥弔以詩有曰洪流奔
騰天地黑蒼黃乃以束薪塞奮身攘臂爾何人百姓
其魚此頃刻悍然突往大聲呼一聲辟易無千夫千
夫愕視乘流去河伯逡巡立退趨足為以死勤事者
勸矣

雨後夜坐

水國乍陰晴秋從短褐生鄉思來雁影涼意入蛩聲樹定
留殘滴窗虛待早明寂寥依燭坐疏漏已三更

查梧原名相字仲士號藹吉又號鳳來宛平人有藹吉

詩藁

詩話鳳來工畫蘭竹文采斐然余家先世與有連
夙知其人詩藁未梓行錄一絕句以存吉光片羽

客舍聞鐘

勞勞枕席未曾甯數到殘更側耳聽一似晨鐘催早起不
知孤客夜常醒

趙勳字牧亭滿洲旗人有種竹草堂詩

山中春興

不肯作深想詩教信口吟孤雲連霽色高樹結重陰衰客
歸從昨好山看到今野苔迷洞口風過落花深

秋日城西遠望

望遠詩情懶浮雲冷客心漲痕留水岸秋色接城陰默檢

閒愁細行歌露草深殘年廢文字妄想已消沈

王祖昌字子文山東新城人諸生有秋水亭詩草

詩話子文爲漁洋族裔故詩宗漁洋家貧雖粗糲不給而吟詠如常凡所經名山大川與所遇當代人物皆見於詩以弄翰爲性命視世之窮通得喪蔑如也

早行

早起登長路蕭然動客情寒霜千里白曉月一天清未見
棲鴉起空聞落木聲行歌忘遠近海外紫霞生

桐軒

半牖梧桐影山月何皎潔寒光流小軒滿地白如雪美人
隔千里此夕應愁絕

懷勞山

音上華嚴寺當門海接天聽潮秋竹下觀日曉樓前樹少

中原鳥橋通外國船別來一千日時復夢游仙

法慶寺對雨

纖纖涼雨打窗紗坐對高僧偶試茶遙憶石橋秋水畔西
風開遍白蓮花

與李南宮話舊

昔日游山興有餘桃源共訪列仙居倚松李白愁偏起看
竹王猷樂未疏一別真成蝴蝶夢三年不見鯉魚書今朝
精舍還相晤再往當乘月上初

宿仙姑洞同劉若時及諸子作

高登碧峯頂靜坐仙姑洞細聽仙梵音不作紅塵夢半鈎
明月懸萬壑涼風送倚樓天欲曙誰將玉簫弄

朱曾傳字式魯歷城人有說餅菴詩集

守宮謠

嘈嘈急杵秋聲細石龍夜搗焉支膩別君帳底月如水花
魂一斷千年死人間無物奈愁何黃金屈戌銀河波君乎
莫羨蘇臺樂梧宮紅過胥江落萬古春歸夢不歸羅裙化
作蝴蝶飛

鏡歌

天雞樹下日如血西樓耿耿明河滅蠟淚滴殘妝未成獨
把海綃拂秋月蘭笑蓮嗔各不免鏡中紅翠流年轉七十
鴛鴦俱錦毛憑誰持照思深淺

紅樹

柿葉吾鄉物江楓色不如錦開十里障牋襞一樓書秋老
妝偏媚山寒格亦疏樊川憐石徑坐對此停車

秋日同家弟無咎

風定草悠悠蟲聲小院幽無端千里望并作一簾秋老木
常吹雨青山不滿樓忘形吾與汝真似海天鷗

寄上玉笥先生

少日圍棋侍謝公當時忘卻在春風絳紗東國三千士白
髮西湖八十翁

淪謫十洲新絳紗彩毫三館舊黃麻先皇舊史今餘幾又
向江南見翠華

鹿林松字木公號雪樵福山人諸生有雪樵詩集

海鏡亭

萬里無邊際空明獨此亭地天浮一碧齊魯盪餘青旁射
蛟龍氣中盤島嶼形何人正垂釣煙雨滿滄溟

明詩錄卷之二十一
五
憶友人村居

幾樹村邊合一峯雲外青
田荒耕曉月井淺汲秋星
到老貧相送苦吟人不聽
記曾相訪處自寫換鵝經

送朱菊人明府臺灣內渡

求詩東到海更向海東求
潮落日生處島懸天盡頭
嶺煙番樹迴溪雨蔗田秋
卻送歸帆去吟聲不可留

贈朱曉帆

冷性難爲熱棄官如棄瓢
年來此孤嶼門外幾春潮
倚杖看巖鶴長吟答野樵
自言無磊塊有酒亦須澆

張培字香巖上元人有香巖詩存

過黃蛟門夜話

小閣篝燈一點孤
犬聲如豹吠牆隅
門開月與客爭入樹

雜風疑鬼亂呼高論千秋憑位置清茶七碗勝醍醐何當
妙倩王維筆寫作寒林雅集圖

黃彥字友松號蓺庵常熟人有蓺菴遺詩

破龍澗

滿眼詩情祇自尋支筇踏徧破山陰樹分濃淡雲林畫
瀉淒清叔夜琴薄靄輕籠嵐氣靜晚煙低罨鳥聲沈行來
忘卻松風吼疑是驚龍穴底吟

村居雜感

悟得從前事總非杜門無事結交稀常投卻老休糧藥時
典驅寒夾絮衣來往閒雲隨自適飛鳴小鳥亦知機此身
甘作書中蠹養得仙胎脈望肥

周樵字澹衣丹陽人諸生有雅存堂集

過丁卯橋

舊是詩人宅輕帆此際過小橋通水檻高樹羃煙蘿日晚
漁舟入春深柳絮多遺芳寥落盡對景自長歌

游棲霞

化工作意開奇境我輩尋幽逸興催池邈深巖皆結屋潺
湲曲水欲流杯行穿石壁摩雲出響雜松聲帶雨來直上
最高峯頂望狂濤萬里接風雷

李培根字遜堂南匯人諸生有來復堂集

首夏

首夏挹芬芳如年日正長疏花藏密樹修竹蔭虛堂暗數
花甌影頻添寶鴨香書聲當晝靜雛燕語雕梁

孫韶字蓮水江甯人諸生有春雨樓詩略

丁卯秋客揚州同阮梅叔小雲游木蘭院

秋草寒煙響暗蛩昔時人去渺無蹤一株銀杏千年物聽
過闍黎飯後鐘
誰識英雄未遇前淮陰往事有漁竿漢唐去古風猶近已
覺人間乞食難
不因名字得風雲肯信文章絕等倫壞壁留題三十載阿
師還是解詩人

蔡鵬飛字梅茵婁縣人諸生有六半樓詩鈔

自題詩集後

不多著句鬢霜新慚愧名山積等身偶輯似非藏大拙閒
披聊可憶前塵米鹽祇抵村書陋晴雨徒啻日記眞醉裏
漁樵酣野唱漫勞氣韻問何人

張鏐字子貞號老蘊江都人有求當集

送蕭炳之白門

白門楊柳曉颯烏馬上青山似畫圖
六代銷磨金粉盡不須重問莫愁湖

題郭麀靈芬館圖

白髮不相待青山誠可家
亂泉爭一壑孤屋繞羣花
麀鹿行堪戀樵漁迹未賒
祇應守岑寂隨分答年華
地占三分水窗迎四面山
栖雲參白業醉月駐紅顏
夢斷江湖上心移泉石間
松門無客至留得紫苔斑
鐵網沈滄海珊瑚屢見遺
狂應難免俗術自不逢
時歌哭皆天性文章亦我師
平生慕遐躅誰寄草堂貲

秋夜作

索索階前絡緯鳴蕭蕭林屋變秋聲籬花著雨忽羣墮山
月破雲時一明歲歎誰憐詩興減愁多每覺道心生病妻
未肯忘辛苦鐙下寒衣早製成

周珠生字小白吳縣人有出塞吟瓣香閣詩鈔

詩話小白工書畫精星學善騎射屢入節幕游迹
所至輒紀以詩與當代名士相唱和所作益工

朝那郡齋書壁

萬里懷歸未可期風沙滿眼動人悲蠻兒但訝羊多角羌
女不知蠶作絲天盡河山寒有色地荒禾黍種無時飄零
絕塞誰相問擊劍長歌慷慨詞

海喇都老婦

載周花甲後又過上鬢時未閱滄桑變翻嫌日月遲貌真
成古佛心轉似嬰兒畢竟媧皇世如松壽可期

出居庸關書所見

風悲日淡奏金笳
毳幕臨關四五家
春色忽從天外至
跨駝邊女帽簪花

遼陽道中

連山鼓角靖秋氛
北望幽并路此分
丁令何年歸華表
烏桓從古泣荒墳
衣霑鳴綠江邊雨
馬踏桃花島上雲
衰草叢祠殘照裏
更無人拜李將軍

遼城秋夜書懷

中朝回首路漫漫
到此真令眼界寬
九塞風煙秋氣肅
七陵星斗夜光寒
已應奔走空皮骨
不放悲歌泣肺肝
試上望京樓上望
一輪海月照長安

默爾根旅店題壁

堪笑飢驅浪得名南轅北轍費經營但容飽喫桃花飯鴨
綠江頭住一生

芷江舟中卽目

山迎水送客舟輕夾岸紅妝踏臂行不見女郎鬟上柳直
忘今日是清明

王熊伯字瑞清吳縣人有環翠樓詩鈔

登萬壽閣望華山

巍峩西嶽鎮西京傑閣朝憑爽氣清五里霧披三輔曉半
空雲捲萬峯晴芙蓉彩翠窗前落海日光華掌上生見說
玉姜猶不死御風何處正吹笙

曹文漢字仙槎長洲人監生有閩歸集

題普陀寺壁用丁孝子鶴年韻

洛伽古刹鬱崔嵬極目東瀛水一杯天外峯巒鰲巖癡雲
中金碧蜃樓臺靈山自有蛟龍護法地那容虎豹來底事
海氛偏不靖乘槎何處訪蓬萊

獨立盤陀思悄然滄桑陵谷幾推遷君能負骨歸千里我
亦傷心到隔年龕赭潮迴東極地鯤鵬路接北溟天同來
此處傳高士遺墨紗籠句欲仙

陸志堅字方坡吳江人有方坡遺詩

答進隱愚

我合稱狂士君猶見古風文章蔬筍外肝膽笑談中放眼
乾坤大潛身耕讀同休辜杏花約春雨一鐙紅

陳授字石渠一字松崖江甯人諸生

游莫愁湖

泛棹入明湖清晨風習習微浪碧生鱗
遠山青拱揖蒲聲入耳秋荷氣侵衣
溼燕乳尙雙飛鷺拳方獨立勝境覽周
遭佳辰時讌集少婦鬱金堂功臣湯沐邑
願言思古人遐哉不可及

楊城書字香林上海人諸生有詩古齋吟藁

秋柳

烏嘯月落自黃昏一夜秋霜滿白門
惆悵玉關何處所西風影裏總消魂

送春

漠漠輕陰護綠苔小庭芍藥已全開
多情最是深宵雨尙帶春聲入夢來

馬春長字培和桐城人有花萼軒詩存

題山家壁

前峯昨夜雨初過，曉蹋芒屨入翠蘿。
鳥語向山行客少，春陰垂澗落花多。
喧闌村社聞簫鼓，空闊煙陂放鴨鶩。
散淡不關塵世事，瓦盆沽就野人歌。

懷伯兄復堂

青苔緣階長綠陰，垂幕肥夜來雨頻。
重晨起花亂飛，有酒自斟酌。
獨客時歔歔，忽憶故園徑久與吾兄違。
我欲陟高岡，君方掩柴扉。
歌詠谿山深，息偃煙霞輝。
浮雲尙無定，孤鳥將安歸。
慎旃望遠心，毋使素書稀。

張曾懿字北暉桐城人有韻泉軒詩草

駐舟湖口縣

泊舟湖口縣，遙見廬山岑。
遠公不可見，虎溪深復深。
榜人

明倫彙編 家範典 卷一百一十四

喧野渡沙鳥集疏林客抱將誰遣開囊有素琴

胡正基字岫青號巽泉平湖人貢生有瑤潭詩贖

鐵鎗歌

嘉慶丁巳二月黔省狃苗反關嶺糧臺黎平

經歷陸君光濂堵禦援絕臨危授命將鐵鎗付僕德耀日持往軍前鎗歸即我歸也越數日有得其屍於深塹中面目如生遂殯於貴州省城南諸葛武侯祠其子桓在籍聞訃即於是秋前往扶櫬至戊午夏抵里并奉鐵鎗以歸因作歌以哀之

鐵鎗歸鐵鎗歸兮人不歸鎗本經歷手中物用以殺賊如

點筆關索嶺雲接烽煙狎苗蟻集盈萬千死守糧臺誓報

國挺鎗一呼率眾先相距七晝夜殺傷互枕藉力盡無援

兵慷慨氣不下回顧殘卒有幾人木石又戕我同寅

仁和沈化

可憐子立難轉鬪擲鎗付僕甘殞身僕負此鎗報大府

懸賞求屍幸未腐僵卧山坳深塹中尙握空拳髯奮怒寂

寞城南武侯祠一棺誰奠酒一卮誰何記室今安之有子

閒關冒鋒鏑見鎗大慟幾欲絕八千里路鎗同挈六月歸
舟抵漢塘鐵鎗紅纓風飄揚嗚呼樞歸鎗亦歸鎗歸誰云
人不歸

黃璧字拱圖餘姚人諸生有西野吟窩橐

雨夜

滂沱入夜勢難收獨坐焚膏一破愁酒力銷沈人不夢筆
鋒銛利氣橫秋相如寓蜀家何在季子歸秦舌尙留只待
明朝晴日出杖藜共探梵宮幽

李聖就字景伊鄞縣人諸生有菁江詩鈔

錢塘東望

獨立長天霽景開登臨遙傍越王臺三秋夜月鯨鯢氣萬
里西風鴻雁哀隔岸帆檣連樹沒滿江鐙火送潮來蒼茫

更起乘桴志搔首天東日幾迴

明皇

梨園往事已堪憐千古誰將圖畫傳
鈿合難憑天上使霓裳空憶月中仙
巴川夜雨悲鳴鐸蜀國春風語斷絃
南內淒涼明月夜傷心獨有李龜年

游阿育王寺

地僻無人至山迴雲路重
虛樓架絕壁危塔並寒峯
暮雨千巖樹秋風萬壑鐘
支公舊講處澗底有吟龍
柯振嶽字霽青慈谿人諸生有蘭雪集

雜詠

寒暑變氣候旦暮成古今
蜉蝣與蟪蛄安知霜雪侵
陶公一世傑曰予惜分陰

甯背孔孟言不敢違傳註此語雖過激足祛俗士痼古來
賢述聖一間待神悟及其筆之書所見復非故忠臣與佞
臣紛紛墮雲霧

讀陶詩

天地有元氣而無造作痕作詩尙雕琢真意竟何存陶公
五字詩獨得風雅源高妙出自自然言外復有言

讀國風

唐棣解未思素絢識禮後有意無意間妙悟難授受旁通
信可參時世詎容苟雅頌尙鋪張義顯不憂蒞國風主譎
諫比興無科日自非大小序聖人亦束手毛鄭及孔疏仰
若山與斗鄭樵生也晚私智力攻掙一唱而百和塗澤雜
妍醜但涉男女詞概出淫奔口安得起詩人一一爲之剖

和周少溪本補衣篇原韻

維天有缺陷誰與鍊石補誦君補衣篇幅短情縷縷萬物不自輕飢寒焉得侮裋褐雖不完文彩炳於虎曠懷白香山境甘心獨苦大裘庇天下自命一何古茫茫千億身欲使免終窶末俗識拘墟空言笑媚嫵豈知絮以仁方寸如攜取刀尺製未畢且復安環堵補衣一補天三復爲起舞

耕織圖

中國有聖人四海皆就理仁風春臺登絃歌比戶是借問何能然事從衣食始維宋寶元初耕織圖垂史一夫或不耕受飢可立俟一女或不織禦寒復何恃飢寒兩切身豈獨民遭否誰以山水更厥病中汰侈鵝鶩餘膏粱後宮賤羅綺非無恤民心茫茫隔萬里
聖祖暨高宗天章前

後紀艱難無逸心剴切幽風旨誰云民隱遐歷歷皆尺咫
汗雨想蒿目機聲儼盈耳粒米與縷絲忍作微物視租稅
亦難蠲其來辛苦矣節儉慎持盈豐穰敢遽喜旣富禮義
興化行俗斯美農桑邦家基金鏡莫逾此我皇黼座陳萬
年長顧諟

讀三國志

青虹入殿赤符熄分裂河山號三國丈夫濟世患無才有
才失身堪太息當日關東起義兵只有孫曹足抗衡堅也
橫死策天折荊州一隅困鬪爭阿瞞河洛經營早袁呂紛
如落葉埽唾手神區旦夕間吁嗟昭烈依人老龍蟠鳳逸
盡飛揚不謁曹公願莫償號令情知非出帝虛名謬喜附
勤王就中最是荀文若帷幄運籌王佐略爲漢不忠魏亦

疑白首子房竟焉託天下英雄惟使君地無尺土孰爲羣
武侯眼自高四海卓識吾還愛趙雲將軍帝室之裔胄國
賊曹操權可宥大義昭然日月光俯視餘子真烏獸縱使
偏安阻益州漢家正統繫炎劉順逆不論論成敗今古人
才帑一邱

吳應奎字文伯號蘅皋孝豐人諸生有讀書樓詩集

幽人

丹嶂橫楓林半壁白雲互其上宅幽人綠崖斷梯磴時有
鶴飛來元猿睡初醒汲水去清溪冷然候疏磬

晚步溪上

招提鐘磬寂山月澹餘暉水木亂明瑟雲霞生客衣天風
紆竹籟壑翠墮巖扉自覺機能息閒鷗近不飛

查世官字懷忠海甯人諸生有南廬詩鈔

秋望

俗事了不涉閒居適我情偶然愛林壑隨意到山城極浦
忽秋色遙村開晚晴莫驚搖落意自有歲寒盟

風篁嶺

澗泉汨汨如鳴琴疏林隔竹嘯幽禽樵踪細入松陰裏一
滃寒綠侵衣襟竹煙蒼蒼洗新雨巖花瑟瑟吹微陰山中
秋色正瀟灑入耳半是笙簧音初陽一片射林隙照見匹
練懸高岑溼煙滿地飛不去空翠濛濛落如雨槐花風裏
送微涼梧葉聲中忘殘暑老僧肅客具茗椀采得新旗活
火煮全身似入清涼國欲覓歸途復延佇

水樂洞

巖壑入窈窕竹樹穿縱橫榛莽出伏流亂石疑列星池邇
尋水樂訝然門幽扃峯巒藏戶牖側視分逕庭飛泉鳴暗
壁直下如建瓴鏘然一泓水流作魚尾形風水相吞吐隱
隱聞雷霆仙人奏雲璈玉女叩銅瓶水故不在樂樂以水
爲聲音節出自然絲竹無此清乃知太古初不假器與名
坡翁有鉅製磨字懸青屏大雅久可作誰與招山靈惟聞
白雲外天風吹泠泠

法梧門祭酒詩龕

昔聞丹邱生說詩譬諸禪鏡花與水月應作如是觀維摩
本無言文字皆可刪心通有頓悟千偈如水翻當其未悟
時兀兀一蒲團空明渺眾慮丈室何其寬先生居上座瘦
骨如瞿曇莊嚴具七寶定慧徹三關說法用我法舌本如

轉環吾無隱乎爾香氣來旃檀色相湧空界四壁開煙巒
白雲淡流水黃葉飛空山清泉咽幽石孤花媚秋潭宗門
有了義此境須微參噉蜜得真味食蔗有回甘作詩呈我
佛彌勒應同龕

棗花寺

西風吹客出高城一角西山放曉晴落木寺門天遠大荒
郊秋雨水縱橫野花當戶有寒意老檜嘯空答梵聲初地
安心猶未得夜深孤月上方明

陳汾字晉陽號墨泉蕭山人諸生有怡園詩鈔

池亭閒坐

終日虛亭坐身閒喜地偏雨餘低岸柳風定落池蓮無事
成佳日耽書娛小年北窗堪一卧高枕自悠然

朱和春字笠漁海鹽人諸生有板橋偶吟橐

板橋

板橋非復板懷古繫前名常日人過少春來水屢平游魚
窺佛火禽鳥樂書聲看竹如尋主漁夫戴笠迎

許乃椿字子莊號季青錢塘人諸生有無盡意齋詩鈔

舟泊安豐謁吳野人先生墓

雲端一鶴自朝昏長爲先生守墓門萬古只留抔土小千
金難買布衣尊在家名姓傾湖海傳世文章當子孫今日
經過薦杯水聊歌楚些與招魂

陳祖望字冀子號拜鄉會稽人諸生有思退堂詩鈔

寄笠舫

珠江揮手太恩恩夢繞蠻煙蜃雨中世味頻年嘗最熟詩

人從古例多窮登樓定復悲王粲愛客何曾有孔融知否
南湖舊鷗鷺釣灘日日盼歸篷

送璞園入都

陶潛詠貧士杜甫悲老病作賦江文通傷心別與恨得一
已足哀況乃四者并嗟哉我兩人共此磨蠍命可憐免毫
禿寫愁不能竟孟郊作苦語豈是出天性境迫語則然敢
以工拙論君心我能知我歌君勿聽聽之傷懷抱徒然亂
方寸

癸酉夏五朔我作嶺海游君與二三子送我鏡湖頭鏡湖
三百里迸作清淚流我時慟失怙寒暑未及周再拜別墳
墓飢驅不得留至今負隱痛莫解終身憂三年苦瘴癘困
頓尋歸舟歸來喜見君聊用紆離愁離愁亦未紆我病亦

未瘳今日送君別此淚如何收

錢善揚字几山秀水人諸生有几山吟藁

同人屬余寫春草圖題詩於後殿以拙句

磬室居貧已習常窗前憐得一叢芳
暝花幽院觀生意翠雨疏簾挹細香
花憶黃陵湖廟冷燕過朱雀野橋荒
年光撩亂春痕裏愁殺含毫寫夕陽

夏之盛字松如錢塘人諸生有留餘堂詩鈔

詠秦檜銅豆

其銘曰紹興丙寅承命作豆賜師臣檜其萬年子子孫孫永寶用享按丙寅爲

宋高宗在位之六年岳王父子已前卒越九年檜遂晉建康郡王云

九廟尊罍泗水淪韓瓶已罷背嵬軍格天閣圯誰傳器壓
日權高濫策勳宋室金甌終缺壞岳家銅爵自蒿焄鐵人
餒絕猶長跼狗葬魂歸泣亂墳

范崇階字筱湖錢塘籍鄞縣人諸生有不改樂之堂詩

稟

詩話小湖清奇峭拔其合作極似韋柳郭頻伽云長筵廣坐紙墨橫飛小湖獨沈思苦吟出若平淡而託意深遠屠琴鳴稱其困於諸生傭書養親安貧樂素忘其通塞發為詩歌有冲夷淡遠之致是可以知所養矣

哭汪仲房

夢心

悲極轉無淚情深難措詞
拌將成永別恨不早相知
慧業原非福天心我亦疑
囊中遺稟在忍讀古人詩

壬戌夏六月十四日趙菊潭胡秋白朱閒泉孫秋風

屠琴塢及積堂拂塵菴雅集

銀潢未西傾倒挂橐駝嶺
森巖嵐氣逼深樹黑無影
明月如相尋朗朗出松頂
科頭坐其間人意與山靜
潮聲龕赭

來破屋小於艇有客吹鐵笛聲與江潮併高梧近十尋老
竹瘦干挺澹忘遺物我語妙雜醉醒諸君學道人那不惜
光景清磬出疏寮逃禪發深省

寄懷小顛上人萬峯山房

蕭條板屋一龕燈賸有袈裟典未曾昨夜甕頭應醉倒滿
山風雪卧詩僧

舟次無錫

山影落篷背蒼然滿舵樓千檣撐曉色一塔界中流市聚
城猶遠天高霜自浮惠泉清可掬吾欲寫吾憂

秋白有皋亭看花之約先一日邀至東繭

一棹延緣溯遠汀東風吹面酒初醒漲平草色沿隄綠雨
過山光繞郭青別墅遙通多廢埭野桃纔放映茅亭桑陰

日暝將成幄想見幽人戶晝扃

曹信賢字金譜號竹君嘉善人貢生有石溪吟藁

靈水菴

古剎餘香火迴環水抱門窗虛搖竹影碑斷蝕苔痕地僻
行人少林深宿鳥喧前溪明月上一磬定孤村

汪淮字小海號蘭儂桐鄉人諸生有小海自定詩

溪行見梅寄所思

船頭坐吹笛池竹煙始綠隔水春濛濛山家酒應熟苔石
醒午醉松風清夜弦孤夢吹更遠幽懷多自憐林梢凍禽
窺牆陰餘雪護思君如春風日日溪上路

將買舟入新安程易田徵君方渡江來夜過話別

故人如野鶴煙暝忽飛來我亦橫江去丹霞半壁開滄波

留斷梗蠟屐更荒臺頭白誰相待孤生笑草萊

胡金題字品佳號瘦山平湖人諸生有桐華館詩鈔

經難沮精舍故址

掬月拈花跡已非舊題零落澹禪扉
高人去後清風歇叢石孤松近十圍

胡金勝字東井號夢香平湖人諸生有聽秋室詩鈔

青浦

梨花如雪柳如煙三月東風泣杜鵑
十里輦沙挑菜路半篙香水甯泥船
魚鰕遠市無平價茶筍空山不論錢
羨殺江南風景好歸耕須買柳西田

黃定齊字蒙莊鄞縣人有垂老讀書廬詩草

詩話蒙莊從族兄東井學詩習名法家言有翰林文忠及康蘭皋中丞皆延入幕倚重之詩有伉爽之氣

讀律

刑惟無刑期名實法先務爲幻格講張作僞懲奸蠹出入
生死懸辨尤嚴故誤見律未見囚律見囚已付不先律此
心何以論法度律不外持平凜凜求其故
律載偶未該上下窮附比不於律中求終難協成軌律在
通其變疑先析其似律意全在胸律文皆渣滓綱舉目自
張體失用何恃泛言疑從輕畸輕豈云是
義正本仁育信立智不違上下親疏間尤指禮爲歸咄哉
申不害但矜恣睢威何者爲孤憤說更陋韓非律學包五
德出彼乃入茲堂堂復正正誰似當代規第云民可由安
得民共知

種菜

閉門人敢說英雄闢得新畦足數弓抱甕生涯忘鬢白禦
冬心事祝年豐故侯瓜自誇奇種寒士家惟守素風能事
到頭輸老圃春深猶未供盤菘

寇退和友人作

便荷天驅異域魔風光幾似舊山河回春枯草生機淺墮
地金甌缺口多覆轍追思長扼腕狂濤他指又傳訛鯨移
未必來無日豈不懷歸且放歌
王人定字靜存號彥農甯鄉人監生有留餘草

一簣打箭壚歸途

魚通回馬首終日傍溪行峻坂冰封就懸崖石削成磴危
防雨過橋輒怯風生薄暮碣樓下愁人是水聲
張禮字兼山號謙庵湘潭人諸生有謙菴詩鈔

經衡嶽下作

九峯天外削峻嶒振策何當躡屐登玉虎驅雷騰紫蓋蒼
龍挾雨出朱陵神幢晝闕煙霞窟帝闕晴懸日月鐙鐵笛
一聲叫奇絕盪胸雲氣正層層

遲雪用東坡集中清虛堂雪韻

枯枝策策鴉如葉老樹蕭蕭雀噪雪小掩柴門半不開欲
落未落更清絕凝雲墮地天乍低朔吹號空樹欲折遙山
積霧半霏微忽地殘陽漏明滅銀海微茫天半枯素旗隱
約雲中掣十分暝色入籬落一片寒光壓衣纈雀舌待烹
陶穀茶麈尾思霏王衍屑佇看飛絮競顛狂莫使空花太
飄瞥祈麥定生野老歡戲玉耍聽山童說會當出作探梅
游板橋倒跨驢鞍鐵

陳廷瑜原名山朗字璞庵邠陽人

重陽前一日隨家大人游浯溪

天高秋迴雁初飛預佩萸囊上翠微落帽更尋明日約追
隨直待月明歸

何森字魯人番禺人有隙亭賸草

詩話魯人父客安南獨往省視值水發緣樹杪而度
瀕危者屢卒迎父以歸任俠好義有德於鄉里論詩
文最愛樊川謂有文武才亦以自況

辛亥之安南道中感賦

何日田園寄此身承歡無計倍酸辛老親歲邁愁爲客弱
弟年輕食向人萬里雲山無旅伴百年菽水有長春
鐙前慷慨雄心在孤負雞聲到枕頻

葉時哲字亮功號鶴巢柳城人有越雪集

晚晴雜詩匯卷一百二十四
三
周澤棠入羌尋父歸里賦贈

路入西羌遠思親淚未乾若無相遇處祇覺此生難虎境
少人過雪峯當夏寒甯知此共返鄰里亦稱歡

再至蒼梧呈介石

欲歸猶未得黃葉已紛紛多病難爲客無成又訪君孤鴻
天外唳游子夜中間身計何年遂相期入嶠雲

孫澈字瘦石郟縣人

夔府西城

高閣倚垂楊漁歌起石梁大江爭峽口孤塔指斜陽山色
知興廢川流閱混茫宗臣遺八陣憑弔自徬徨

晚晴雜詩匯卷一百二十四終

晚晴簃詩匯卷一百二十五目錄

林則徐 三十首

程恩澤 八首

蔣立鏞 一首

徐謙 三首

黃玉衡 六首

馮元錫 一首

湯儲璠 八首

李彥章 八首

朱王林 三首

王贈芳 一首

楊兆璜 二首

廖文錦 三首

劉珊 四首

馮漢 三首

王衍梅 四首

林元英 一首

尹作翰 一首

吳衡照 九首

鮑廷博 二首

曹宗翰 二首

邵淵耀 三首

楊庚 三首

此項免言四卷一百一十五頁金

德宣 二首

梁元 三首

管貽荏 一首

陳僅 二首

王蔭槐 八首

曹元詢 四首

楊昌光 一首

尹尙廉 二首

劉廣禮 一首

王夢庚 九首

史密 十首

閔新 一首

汪漱芳 三首

洪震烜 一首

孫成彥 一首

林慎翁 三十首

劉恩華 八首

目錄 一百二十五頁

晚晴籒詩匯卷一百二十五

徐世昌

林則徐字元撫一字少穆侯官人嘉慶辛未進士改庶吉士授編修官至雲貴總督加太子太傅諡文忠有雲左山房詩鈔

詩話文忠經世之才餘事為詩緣情賦物靡不裁量
精到中邊俱澈卓識閱論亦時流露其間非尋常詩
人所及謫戍後諸作尤悱惻深厚有憂國之心而無
怨誹之跡當時好事者合公與鄧嶠筠制軍之詩輯
為林鄧唱和集工力相敵並稱傳作公自有句云他
日韓非慚共傳即今彌勒笑同龕又云白頭到此同
休戚青史憑誰定是非歷代名
臣遷謫罕觀此風雅盛軌也

答陳恭甫前輩

壽祺

昨枉雙鯉魚發緘得贈言獎借逮末學譽揚及家尊更慨
吏道媮期以古處敦樹立尙宏毅一語誠探原嗚呼利祿

徒字氓何少恩所習乃脂韋所志在飽溫色厲實內荏驕
書而乞昏豈其尠才智適以資攀援模稜計滋巧刀筆文
滋繁峻或過申商滑乃踰衍髡牧羊旣使虎嚇鼠徒驚鷓
有慾剛則無此際伏病根於傳戒焚象於詩勵懸狙要在
持守固庶幾惻隱存知人仰聖哲弊吏扶元元舉錯愜輿
論激濁澄其源側聞官方敘馴致民物蕃不才乏報稱循
省慙素飧但當保涓潔弗逐流波奔三復吉人詞清夜心
自捫

題王竹嶼都轉黃河歸權圖

事君宜致身引疾似詭避要其心迹殊賢愚詎同致或憚
遠役勞或畏瘠土累或遭上官怒或慮吏議至其名爲勇
退其心實巧利亦有止足懷投老初衣遂泉石祇自高那

問經世事此皆非君倫君退蓋以義傳家裕經術夙志在
用世治績越中彰姓名御屏記一擢二千石再擢觀風使
河朔黃流長安瀾歲歷四人言君砥柱允副宣房寄誰知
蓋臣心幽獨自難昧嗚呼習移人其在河隄吏縱諸三策
施孰詰百端僞明察疑煩苛獨清亦衆忌和光同其塵又
豈志士志聞君立河壩暗灑憂時淚督役稽芻茭廢食不
假寐以此勞心神乃夢豎子二周任訓陳力敢謂可卧治
亟謀攝衛宜以作報稱地吏民徒苦留歸榜疾於騎河心
咽清流嵩少送煙翠片帆收白門但有琴書載老屋餘劫
灰小山上叢桂無田歸亦得奚用江水誓九重側席殷艱
難待宏濟詎許卧煙霞正資振凋瘵朝出夕拜官除書破
常例齟綱重江淮上關軍國計積疲幾淪胥盤錯要利器

前席咨嘉謨指陳切時弊權知卽真除匪以汝爲試責效
匪在速謀遠庶可繼單車昨南來先聲動懷畏人皆爲君
榮我聞竊心繫防河固良難煮海詎云易所賴本清直兼
能運才智苟當改絃張斷制必剛毅人情多媵嬰願勿徇
浮議上策探本原補救特其次要知君所爲定與末流異
我昔亦移疾自分宜放棄聖慈曲體之感極但零涕與君
語進退使我重獻欷庶持激厲心十駕勉追驥

驛馬行

有馬有馬官所司絆之欲動不忍騎骨立皮乾死灰色那
得控縱施鞭箠生初豈乏颯爽姿可憐郵傳長奔馳昨日
甫從異縣至至今不得辭韉轡曾被朝廷豢養恩筋力雖
憊奚敢言所嗟飢腸轉轡轉祇有血淚相和吞側聞駕曹

重考牧帑給芻錢廩供菽可憐虛耗大官糧盡飽閑人
人腹況復馬草民所輸徵草不已草價俱廐間糟空食有
幾徒以微畜勤縣符吁嗟乎官道天寒齧霜雪昔日蘭筋
今日裂臨風也擬一悲嘶生命不齊向誰說君不見太行
神驥鹽車驅立仗無聲三品芻

病馬行

生駒不合烙官印服阜乘黃氣先盡千金一骨死乃知生
前誰解憐神駿不令麀戰臨沙場長年驛路疲風霜早知
局促顛連有一死恨不突陣衝鋒裹血創夜寒廐空月色
黑強起哀鳴苦無力昔飢求芻恐不得今縱得芻那能食
圉人怒睨目猶側欲賣死皮償酒直馬今垂死告圉人爾
之今日吾前身

沅兩君歌

地明余言四卷一百二十五

三

沅州官長多宿儒就中雙絕天下無巋然藍翁賢大夫起

家禁近官中書二十六科誰與俱省郎今盡前輩呼乾隆

之間大郡除卅年仍羈銅虎符抱九仙骨何清臞耳聰眸

瞭行且趨凡石太守乾隆乙酉舉於鄉已丑登中書科典史之職誠區區誰其

任者蔣賓隅蚤登乙科文譽都手編縣譜墨綬紆偶蹶不

樂人持扶一命亦濟奚卑污樹蘭千叢梅百株以吏爲隱

詩爲娛蔣典史戊申登賢書我來楚南停輶車一時投契苔岑如兩

賢官守崇庠殊要以同志道不孤藍翁於我爲枌榆漳江

之湄翁故廬詩人山澗今云徂鹿洲一集體用儲黃籍雖

遷業不渝翁能繼之恢遠謨我有同舟延陵吳亦與蔣侯

同開閭時作吳語聆吳歛鄉心儻亦思葦鱸此間歡會平

生逾卻憶所歷增欷歔豈無傾蓋臨交衢致身往往非一
 途轉喉時防笑我迂頗聞同官亦齟齬道不相謀冰炭居
 才人蛺蝶名士鸚祇合學隱隨蜘蛛聚星在此吾不圖協
 恭相勵皆廉隅山城磽确非膏腴厚培民氣須吾徒昔日
 瘡痍今袴襦苗蠻讐慄閭閻蘇獨惜難留大令盧清聲萬
 口徒嗟吁盧明府爾秋宰芷江有聲安得公等連茅茹盡致尊顯經綸
 敷勿使人嗤儒術疏

題秦琴山同年

鳳藻

滇華五芝圖

劉寄庵先生選五華五子詩鈔日太

和李白即園於陽雲州楊丹山國翰呈貢戴古邨溘
 昆明戴雲帆恩詔楚雄池藥庭生春古邨絕意仕
 進矣已卯秋試余司文柄四子皆獲雋又先後皆
 出琴山門琴山繪圖誌盛屬余賦之

使君導我滇山麓珍翠文犀看不足五芝聞在五華巔足
 繭隨君躡幽谷一芝蹇卧雲外峯四芝采采歸筠籠靈根

未許落凡手合種君門爲君有人問豔說桃李花君能識
拔超煙霞人間豈少芙蓉怨君爲披尋出塵溷與君臭味
眞苔岑攀芳擷秀同一心願芝日共琅玕長祝芝永作金
石音憶昔仙人種瑤草十年恐委荒山道呼龍耕煙鶴守
雲苦心調護天爲老憑君拾取貢瑤京應使仙人笑絕倒
彼隱士兮如可招我詩欲寄商山皓

題文信國與趙青山兩札後

公身爲國輕生死綰綰故人尙如此薄君君之幕僚耳聞
疾乃如疾在己磨盾手揮書兩紙刀圭欲救膏肓起行府
篝鐙遣醫視二卒六夫任所使棉定奇溫覆以被芝楮五
百實其匭是時景炎歲丙子冬夜寒風徹肌髓書馳篋管
八十里薄君病在雙谿閣下期來止吁嗟乎天水皇綱勢

薄君病在
小篋管鋪

雙谿閣下期來止吁嗟乎天水皇綱勢

終靡一木難支大厦圯風雨何從庇寒士薄君薄君長已
矣三百壙甄公所爰崇慶寺前舜卿誅宿草蕭蕭成戰壘
此札人間獨不毀墨花吐豔雲凝紫再拜薰香皮斐几欲
廢一部十七史朱鳥招魂淚如泚獵獵酸風滿柴市

中秋嶰筠尙書招余及關滋圃軍門

天培

飲沙角礮

臺眺月有作

坡公渡海誇羅浮涼天佳月皆中秋鐵橋石柱我未到黃
灣胥口先句留今夕何夕正三五晴光如此胡不游南陽
尙書清興發約我載酒同扁舟日午潮回櫂東指順流一
葦如輕鷗鼓柁健兒好身手二十四槳可少休轉眸已失
大小虎須臾沙角風颿收是時戰艦多貔貅相隨大樹驅
虬蜉礮聲裂山雜鼓角檣影蘸水揚旌旂樓船將軍肅鈴

明時集言四卷一十一
五

律雲臺主帥精運籌大宣皇威震四裔彼伏其罪吾乃柔
軍中歡讌豈兒戲此際正復參機謀行酒東臺對落日猶
如火繖張鬱攸莫疑秋暑酷於夏晚涼會有風颺颺少焉
雲斂金波流夜潮洶湧拋珠毬涵空一白十萬頃淨洗素
練懸滄洲三山倒影入海底玉宇隱現開瓊樓乘槎我欲
凌女牛舉杯邀月與月酬霓裳曲記大羅詠廣寒斧是前
身修試陟峯巔看霄漢銀河瀉露洗我頭森森寒芒動星
斗光射龍穴龍爲愁蠻煙一掃海如鏡清氣長此留炎州
三人不假影爲伴袁宏庾亮皆吾儔醉歸踏月涼似水仍
屏廉從祛鳴騶褰簾拂枕月隨入殘宵旅夢皆清幽今年
此夕銷百憂明年此夕相對不留詩準備別後憶事定吾
欲歸田疇

華陰令姜海珊招游華山

神君管領金天嶽坐對三峯看未足公餘喜共客登臨恰
我西行來不速櫻筍廚開浴佛時暫輟放衙事休沐灑靈
宮殿訪碑行清白園林對牀宿凌晨天氣半陰晴晝永無
煩宵秉燭竹杖芒屨結儔侶酒榼茶鐺付僮僕雲夢觀裏
約乘雲玉泉院中間漱玉同儕各挾濟勝具初陟坡陀踵
相續嶂疊峯迴路忽窮誰料重關在山曲微徑蜿蜒蝥旋
磨絕磴攀躋鮎上竹箭鏃依稀王猛臺丹砂隱現張超谷
莎蘿坪與青柯坪小憩聊尋道書讀過此巉巖愈危絕鐵
鎖高垂手難觸五千仞峻徒窘步十八盤經猶駭目恨無
謝朓驚人詩恐學昌黎絕頂哭游人到此怪山靈奇險逼
人何太酷豈知山更怪人頑無端蹴踏穿其腹茲山峭拔

本天成但以骨挺不以肉呼吸眞教帝座通避趨一任人間俗如君超詣迴出塵上感嶽神造民福盪胸自有層雲生秀語豈徒奪山綠希夷石峽應重開海蟾仙菴亦堪築獨慚塞外荷戈人何日陰崖結茅屋惟期歸馬此山陽遙聽封人上三祝

壬寅臘月十九日嶰筠前輩招諸同人集雙硯齋作

坡公生日此會在伊江得未曾有詩以紀之

中原俎豆不足奇請公乘雲游四夷天西絕塞招靈旗下有荷戈之人頂禮之公生距今八百有七載元精在天仍爲牛斗箕命宮磨蠍豈公獨春夢都似黃梁炊要荒天遣作箕子此語足壯羈臣羈當時天水幅員窄瓊雷地已窮邊陲天低鶻沒山一髮祇在海南秋水湄豈如皇輿西控二萬

里烏孫突厥悉隸吾藩籬若將壯游較今昔恐公猶恨未
得周天涯崆峒之西公所夢恍見小有通仇池導公神游
合西笑何必南飛載鶴尋九疑所嗟公身屢徙復遭屏官
屋欲僦猶阻於有司合江之樓白鶴觀居此新宅無多時
寄身桄榔啖藜芋南冠九死真瀕危吾儕今猶託代舍憶
公倍感皇天慈謫所一生過也得公言曠達真吾師南陽
詞人涓玉卮鞠脰先製神絃詞懸公大瓢笠屐之遺像誦
公羅浮僂耳之新詩公神肯來古伊麗白鹿可誇青牛騎
冰嶺之冰雪山雪照公堂堂出峨眉長松塵洗鶴意遠真
有番樂來龜茲試著紫裘腰笛臨風吹使公空中一笑掀
髯髭

庚子歲暮雜感

病骨悲殘歲歸心落暮潮正聞烽火急休道海門遙蜃市
連雲幻鯨濤挾雨驕舊慚持漢節才薄負中朝

此涕誰爲設多慚父老情長紅花盡嫺大白酒先傾早悟
雞蟲失毋勞燕蝠爭君看滄海使頻歲幾回更
幸飲修仁水曾無陸賈裝通江知蒟醬擲井憶沈香魁結
終無賴羈縻或有方茹茶心事苦愧爾頌甘棠
朝漢荒臺古登臨百感生能開三面壘孰據萬人城楊僕
空橫海終軍漫請纓南溟去天遠重鎮要威名

次韻答宗滌樓

稷辰贈行

豈爲一身惜將如時事何綢繆空牖戶涓滴已江河軍盡
驚飛鏑人能議止戈華嚴誦千偈信否伏狂魔
昨枉瓊瑤雜馳情到雪山投荒非我獨尋夢爲君還但祝

中原靖矣辭絕塞艱隻身萬里外休戚總相關

河內弔玉谿生

江湖天地兩淪虛黨事鉤連有謗書偶被乘鸞秦贅誤詎
因羅雀翟門疏郎君東閣驕行馬後輩西崑學祭魚畢竟
浣花真髓在論詩休道八叉如

湯陰謁岳忠武祠

不爲君王忌兩宮權臣敢撓將臣功黃龍未飲心徒赤白
馬難遮血已紅尺土臨安高枕計大軍河朔撼山空靈旗
故土歸來後祠廟猶嚴草木風

壬寅二月祥符河復仍由河干遣戍伊犁蒲城相國
涕泣爲別愧無以慰其意呈詩二首

幸瞻鉅手挽銀河休爲羈臣悵荷戈精衛原知填海誤蚊

明詩卷一百二十五
六
蟲早愧負山多西行有夢隨丹漆東望何人問斧柯塞馬
未堪論得失相公且莫涕滂沱

元老憂時鬢已霜吾衰亦感髮蒼蒼餘生豈惜投豺虎羣
策當思制犬羊人事如棋渾不定君恩每飯總難忘公身
幸保千鈞重寶劍還期賜尙方

將出玉關得嶰筠前輩自伊犁來書賦此卻寄

與公蹤跡靳從驂絕塞仍期促膝談他日韓非慚共傳卽
今彌勒笑同龕揚沙瀚海行猶滯齧雪穹廬味早諳知是
曠懷能作達只愁烽火照江南

公比鰕生長十年鬢鬚猶喜未皤然細書想見眸雙炯故
紙難拋手一編僦屋先教煩次道攜兒也許學斜川中原
果得銷金革兩叟何妨老戍邊

哭故相王文恪公

纔錫元圭告禹功，公歸遵渚詠飛鴻。
休休豈屑爭他技，蹇蹇俄驚失匪躬。
下馬有墳悲董相，隻雞無路奠橋公。
傷心知己千行淚，灑向平沙大幕風。

廿載樞機贊畫深，獨悲時事涕難禁。
艱屯誰是舟同濟，獻替其如突不黔。
衛史遺言成永憾，晉卿祈死豈初心。
黃扉問道猶虛席，一鑑云亡未易任。

嶰筠贈鶴

不慕高軒足俸錢，卻教羈客餉胎仙。
銜書愛近烏絲格，起舞因聽雁柱絃。
萬里倦飛雖警露，九皋清唳早聞天。
孤山處士還相對，松下風多且避煙。

送嶰筠賜環東歸

得脫穹廬似脫圍一鞭先著喜公歸白頭到此同休戚青
史憑誰定是非漫道識途仍驥伏都從遵渚羨鴻飛天山
古雪成秋水替浣勞臣短後衣

回首滄溟共淚痕雷霆雨露總君恩魂招精衛曾忘死病
起維摩此告存歧路又歧空有感客中送客轉無言玉堂
應是迴翔地不僅生還入玉門

七夕次嶰筠韻

金風吹老鬢邊絲如此良宵醉豈辭莫說七襄天上事早
空杼柚有誰知

漫道星橋徹夕行漢津波浪恐難平銀潢只見填烏鵲肚
士何年得洗兵

鍼樓高處傍天墀七孔穿成巧不移但恐機絲虛夜月昆

明秋冷漢家池

程恩澤字雲芬號春海歙縣人嘉慶辛未進士改庶吉

士授編修官至戶部侍郎有程侍郎集

詩話春海尊人蘭翹學士乾隆庚子以第三入及第入直上齋宣廟甚重之嘗諭春海曰汝父蘭翹先生朕昔年最敬其品學聞者歎為異數春海覃研樸學六書訓故九章算術皆好學深思心知其意所寫定者有國策地名考十二卷詩雄深博雅與張度西黃樹齋後先相亞

沈栗仲同年宰鄆縣以絃歌化之邑能鼓雅琴者四

十餘人其治可想以詩贈之

一夫絃歌千室鳴古有單父東武城三代以還無此聲此聲能使王侯貞閒暇無事修太平化我鷗梟哺所生雲秋之水北入湓上有神父秉周禮攬深醪愉萬事理偶欲登高臨淥水諸生十百希厥旨路人咸詫問所以指絲桐曰

命之矣。茆厂夜月彈流泉，杼聲書聲相糾纏。稍涉北鄙便自愧，何況洙泗斷斷焉。邦君憑軒賡古篇，邦人和之如衆仙。趣拜炎陵求練絃，翦其青牛剝雙角。夔襄薦技班倕鑄神農，大笑投赭鞭。此調不傳數千年，恨君不識袁孝尼。恨我不識元魯山，于焉于曲已徧誦。廣陵妙散胡可慳，不成章我亦不作。但欲博我高堂歡，進觀君藝何媮媮。能詩書畫奕劍丸，所可測者器數間。不可測者海波瀾，廿年同舉今。甫面冰雪同清鐵，同鍊愔愔琴德美。可眷君山豈受宣平薦，五技都窮卧花縣。何當密友羅曲宴，三疊胎仙舞深院。院座中那有鍾子期，祇有軒駒側冠弁。

西平道中

刺促成何事，差池不可齊。功名上蔡犬，歲月汝南雞。種種

憐秋鬢紛紛憫夏畦誰歎佩霜劍淬礪向棠谿

戊子八月十四夜偕祁春浦中允昆明湖踏月

秋生玉宇瓊樓夜月在長楊五柞間黑處樹陰明處水紅
皆臺影碧皆山幾年官耐侵銅斗一日春雷響獸銀似此
蕭閒仍富豔何勞清夢戀江關

題郎海西畫馬

吾聞天馬不受絆誰歎操此青絲韁拂耳頓足三萬里草
頭一點西風長絕其芻豆儻能走世豈復有豢龍手玉鑲
金鍍朱排沫一戰功成骨先朽伯樂不及支公癖放與逍
遙噉春碧汗血全乾四蹏重不使銀鞍覆虎脊得無要駕
更齧膝致令畫者三擲筆畫者乃今曹將軍能通馬語取
馬神飄飄尾鬣堆若雲蓄怒未許奚官馴猛士掣之力不

均祇恐繩絕飛且奔海西所畫已難得何況騏驎出西極
君不見騏驎出西極又言在德不在力

雨盛不果游燕子磯次楊子堅韻

江干青楓化爲霞秋水以外皆春花中有一磯挂林杪道
是銀漢飛來槎撐突萬古礙星月嘯呼六代爭龍蛇峭壁
垂雲幻錦繡叢檣似戟紛杈搖搖幢風佛倚閣渺渺蘆
雪鴻爲家昔游正值夏綠裏時有好鳥銜餘葩今偕詩仙
蠟雙屐先喚漁父同杖拏誰知冷雨鎖荒寂三日都打迴
風過澁澁燕尾不可見攝山一角沈天涯詩仙不到山不
綠得無象車不受誇君乎琢句苔石破我亦題竹風鴉斜

沈陰

沈陰不散地理憂冷雨三旬苦未休幸不侵陵農事晚已

難消受旅人愁
蘆花溼處哀鴻泣
蕉炬炎時凍雀投
卻詫北風如虎怒
盡吹清淚落南州

漸冉

漸冉春如許
輕寒勒不歸
風隨錫笛轉
月傍紙鸞飛
奇石無一語
喬松今十圍
九衢燈火夜
衰病夢魂非

游寶藏寺清涼厂

兩峯忽破處
一榭明以敞
虛無盡齊一
萬綠與天盪
高樓出頭角
圓水畫盆盎
塔影隨煙細
城齒齧雲上
九重連萬井
五色日晃脹
慶霄龍虎氣
人定自來往
天苑幾處羅
瓊樹夾金榜
靈風山背至
盛夏萃森爽
雪泉與月夕
清景勞夢想
誰將千里目
舒卷一指掌
憑高豈不快
望遠穴之悅
見牛不見曉
離朱同象罔
三歎返幽寂
鐘魚正交響

蔣立鏞字笙陔天門人嘉慶辛未一甲一名進士授修

撰

登岳陽樓

洞庭波起夕陽浮縱目層樓亦壯游鴻雁聲隨天共遠魚
龍氣與水爭流神仙有約今朝醉詞賦無靈終古留如此
長風當破浪蒼茫萬里是歸舟

徐謙字白舫廣豐人嘉慶辛未進士改庶吉士授吏部

主事有悟雪樓詩存

詩話白舫詩境清逸得嚴滄浪之旨專從悟入猶竹
垞品楊夢山詩如水仙十囊江梅一萼嫣然於薄冰
殘雪之外王霞九題其詩集云彈指華嚴縹緲間瓊
樓百尺絕躋攀此中詩境何人悟月滿寒江雪滿山

古松歌

我醉夢騎蒼虬飛飛雲如蓋隨翠旂鱗鬣怒張寒凜肌綠

雪片片沾我衣乍聞謾謾天風急俄見茫茫海潮立白虎
瘡口荒谷奔青兕攝魂深隧泣松下乍醒錯愕久突兀眼
前勢猶走乃悟神物百靈守孕胚元氣天未剖此老神完
人罕知空山與我同支離

重過時帆先生詩龕

詩龕我三至相逢始辛未乍見索詩讀許我玉堂吏草草
功名馬耳風憐才誰與古人同再到詩龕唁公子同年桂
一山官
舍摩詰已去藍田空龕中一瓣香韋柳儲孟王中坐柴桑
叟詩境森清蒼潭上落花流水逝泉臺又灑西河淚斜日
松陰滿舊龕幾人門下哭羊曇

遙夕

雨霽月彌靜無人共遙夕亂蛩風露寒虛堂入秋色

黃玉衡字伯璣一字小舟號在庵廣東順德人嘉慶辛

未進士歷官御史有安心竟齋詩集

詩話虛舟當乾隆中與張葯房黎二樵呂石颺稱嶺南四家在庵詩學受自庭訓復早歲通籍與當世文章鉅公遊學識益上詩辨香坡翁古體或閱肆清蒼或冲澹竊峭或沈鬱排募逼近杜韓近體則雅潤為本清麗居宗粵中詩人父子濟美者首推黃氏云

過呂子羽上舍樂潛山莊

南郭行吟去江天月一痕
清秋何處笛紅葉幾家村
雪氣涼生袂溪聲曲到門
主人迎我笑畫理得深論

早行

滿天寒鴈語空冥
喚起征人夢半醒
城上柝聲催落月
村邊燈火亂殘星
相羊歧路風憐目
歷鹿單車影答形
今夕又從何處宿
出門先問幾郵亭

濂泉寺

陰森巉層崖窈窕列峻陞
溟溟亂雲合豁豁蒼壁啟巖泉
散珠簾山骨濯天醴初從月窟落
漸與山根抵高下紛奔騰漣漪自傳遞
巨石古雪寒怒湍青兕觥坐卧時俯流坦
率偶露髀小魚見人影潛身伏石底藻腳長如繩霜根清
若洗薄遊空道心爽氣豁塵眯及此半日閒不負山僧僣
振衣下坡陔歸路風泚泚

蒲澗寺

我身如浮萍江湖久浪跡我心如定僧
溪山自耽寂頗聞蒲澗境幽僻似疇昔
勞勞塵網牽數載靳登陟挈伴偶然
至踏遍苔蘚碧古木荒煙屯懸泉皓雪積
諸峯淡欲無萬籟暗猶激孤鶴飄然來對
我如舊識仙草不留根靈風迴

絕壁石紋延遠綠松陰翳微黑不知藤蘿中雲散滿山白
徙倚神忽超吟嘯機漸息安得從安期乞我萬古宅

晚晴

雨氣淨羣綠花香霏一庭清甌浮淡月涼几卧繁星鎧影
獨搖碧蟲聲深隱青明朝擬聯騎霽景眺江亭

雨中招同人重集寓齋用香鋏雨中偶成韻

曉起巡簷鳥語稀溼煙籠處菓初肥荔牆痕滑蝸斜旋花
院香沈蝶懶飛曲逕浮青雙屐淨小窗橫翠一峯微所欣
濁酒尋常有舊侶論詩約不違

馮元錫字紫屏江蘇通州人嘉慶辛未進士改庶吉士
歷官御史有馬侍御遺藁

臨平舟中

一帶莎隄疊石斜，傍峯臨水有人家。
舊園屋壁多編竹，新闢山田爲種茶。
岸闊輕帆同鳥疾，林深高寺有雲遮。
扁舟領略汀洲趣，閒看蜻蜓集藕花。

湯儲璠字茗孫，臨川人。嘉慶辛未進士官內閣中書。

布帆無恙，草忍冬、小草、長秋館詠史詩鈔。

詩話茗孫受知於曹文正公，官中書十年，進奉文字及牋牒表奏，多出其手，詩能達意，有宜僚弄丸之妙。咸豐丙辰，粵匪之亂，全稟散失，其布帆無恙。草忍冬、小草皆罷官後四年中所作。

天津晚泊答謙齋太守

落日滿沙渚，北風吹暮濤。
人隨津樹遠，秋入海天高。
詩酒供多病，星霜感二毛。
使君憐舊好，存問到江皋。

晚泊

煙波不知處，一櫂寄江濱。
夜火明紅葉，秋風長白蘋。
蟲聲

都在水鷗夢慣依人日暮多歧路何勞更問津

送秋

送春猶可過送秋將奈何我於春風苦無分惟秋與我同
輒軻而今并此舍之去吁嗟吾意其蹉跎卽今眼前論離
別我是主人秋是客我生况無百年身秋還作主我作賓
非人送秋秋送人

花天狂豔不可當秋風一掃生清光涼月娟娟出海嶠不
照繁華照枯槁古來惟有楚大夫不識此時風月好登山
臨水發悲歌先生感慨何其多遂令金天少顏色吁嗟秋
兮奈爾何

我今飄泊何所成扣船但欲爲商聲惟有秋風不世情昨
來江上相和鳴落葉哀蟬亦歎息逋臣嫠婦皆涕零此時

月白霜露清我心所感猶和平但愁過此多冰雪其聲凜
栗難爲聽

采石岡懷古

采石嶙峋翠接天江流到此欲迴旋六朝歌艦爭姑熟萬
古艤船醉謫仙此去金陵纔百里我懷明月已千年英雄
馬槩詩人筆一樣湮淪付暮煙

讀梅宛陵詩集書後

二百年來無此作宰相亦知公能詩何不薦公立廊廟粗
官垂老猶苦饑平生知己一永叔謂公詩爲雅頌遺何不
薦公使秉筆爲公作敘徒歔歔或疑造物有成例以韓匹
歐郊况梅郊也苦寒已如此公欲無窮安得辭當日公卿
不知惜卽今宛水猶相思景梅一亭萬夫望恨不起公歌

竹枝

人謂詩以窮而工我謂工詩而後窮自古詩人多富貴雅
 頌作者何雍容閒有孤生一枝筆不與羣雅相和同驅使
 神鬼出奇怪雕刻造化開屯蒙江山涕泣訴真宰恐千萬
 年無鴻濛然後帝乃降薄罰捐除祿命稱詩雄使公稍能
 自貶損登之館閣聲隆隆公乃愛窮死不悔君相欲福難
 為功嗚呼大雅久淪喪齊鳴瓦缶輕黃鐘江河賴此為砥
 柱倒障狂瀾使勿東萬歲千秋有述作何須與世問窮通

李彥章字蘭卿侯官人嘉慶辛未進士內閣中書歷官

山東鹽運使有榕園詩集

詩話蘭卿與兄彥彬俱以詩名有雙珠之目官揚州
 日於蜀岡桃花庵旁建宋三公祠祀韓忠獻歐蘇兩
 文忠復於祠之西取漁洋詩話作載泗堂祠前蒔垂
 柳百株作亭其中曰補柳亭以存歐陽遺澤流連觴

詠極一時之盛蘭卿受詩學於翁覃谿然清婉
流逸不盡守蘇齋矩獲固嘉道中一作手也

寓齋陰寒殊有雪意催之以詩疊用東坡清虛堂韻

月離於箕風揚沙今朝休沐歸早衙枯天欲雪雁聲急禁
寒勒住新梅花圍鑪促坐自瑟縮似有畫本誇燕家濃陰
如墨倒斜翠凍雲密互扶桑鴉不知天公有意無幻出璀
璨照水葩苦吟壘塊自傾吐意所到處皆搜爬擬傾折腳
煮寒玉無慘狂態今顛茶銷寒忽忽過四九太平街鼓無
停過一冬近已見三白占年田父休咨嗟玉龍聞此當起
舞有酒且醉蓉城霞

酒名王逢詩憶攜蓉
城霞醉賞君山雪

夏日寓齋雜詩

伏暑沈熒急浮塵隙景忙龍胡飛雨斷蟬語別枝長涼月
懷人引紅雲苦熱行忽催鄉思起一枕落滄浪

嵇懶迂成癖銷閒強讀書過門今雨熟操縵舊琴疏翰墨
緣都合浮沈習未除承明慚寂寞誰問子雲居
衆物欣有託高齋空復情孤花澹涼意萬綠助詩聲篆縷
和雲冷簾陰到地平安心應有訣尋暑愧時名

氣節尊吾道傳倫念索居雲知親舍近月似客懷疏兄弟
多時別江湖一紙書惟將健餐飯辛苦付雙魚
暇日容懷古千秋俯仰同聲名羞鬪蟻篆刻薄雕蟲馬骨
終知己蛾眉失畫工欲論今古意天問答應窮
處俗撷塵慮齋心玩物華錯刀人意重長劍壯懷加舊夢
吹涼葉新泥種小花我心自虛白何處契琳霞

安仁谿口

罨畫人家繞小谿滿林風露壓篷低秋江記得停舟處斜

日梢頭檝欖梯安仁谿檝欖最美甲戌九月過此見村人新摘就船食之甚甘俗以梯之窄而長者

爲檝梯

朱壬林字禮卿號小雲平湖人嘉慶辛未進士歷官直

隸清河道有小雲廬詩稟刪存

文德關

昨行焦谿山險窄懷不暢今朝境一變山山插天壯曲棧
紛鉤連危梯絕依傍前行奮先登後者從下望意謂攀躋
難瞥已層霄上人馬一髮懸此景極飄颻雄關踞崖巔屹
立森相向羅甸此咽喉黔滇亦屏障天門閤闔開雲光鎮
摩盪會當躡飛仙振衣發高唱

中宿峽

帝子昔采竹遠游茲棲遯芙蓉對面青白雲飛不盡喬松

經千霜蟠株覆層巘猿磴風中開鶴巢煙際隱瑋琰一斛
珠天半瀉虛牝迅波走不停混涵接海蜃到此始一束造
化巧樞榘山空樵響答日落鶻聲緊望望飛來寺晝靄松
門晚

舟行書懷

鄉近翻愁遠張颿向夕征荒汀孤雁下獨樹亂鴉爭見月
渺離思繙書多古情寸心將母切何計慰歸耕

王贈芳字霞九廬陵人嘉慶辛未進士改庶吉士授編
修歷官雲南鹽法道署按察使有慎其餘齋詩集

聞蟬

驛騎人行倦吟懷託野蟬密林新雨後古戍夕陽天沉澗
辭塵濁蝟蠅得氣先立秋纔昨日便爾換商絃

楊兆璜字古生邵武人嘉慶辛未進士歷官廣平知府

有東霞山館詩鈔

昭州夜泊有懷又伯通守

亭荒點翠碧粼粼紅蓼花疎間白蘋官罷野鷗能傲我詩
成青嶂苦隨人偶看明月成千里孤負黃金笑一身得失
雞蟲知許事玉盤堆趁荔枝新

秦淮餞春

杜鵑聲裏渺天涯爭似征夫不憶家
顰面自憐前度客成陰無那舊時花
悵悵水閣風初緩黯黯江城日易斜
開編鼠姑飛盡絮令人回首惜年華

廖文錦字雲初嘉定人嘉慶辛未進士改庶吉士授編

修歷官衛輝知府有佳想軒詩鈔

遊泰山

浮嵐撥翠鬱岩巖壁立丹梯倚絳霄千里暮煙齊魯圻半
空香霧鬼神朝星巖月觀誰開闢玉几金牀久寂寥欲訪
安期何處所獨騎鸞背自吹簫

彭城懷古

芒碭雲寒白日沈猶聞父老說淮陰一生誤相君之背九
死難明臣此心烹狗早知千古恨釣魚悔不五湖深囊沙
背水渾閒事贏得功成漂母金
力除狼虎氣吞羸膽落諸侯壁上兵千古大觀三月火半
生小忍一杯羹難消帳下歌姬恨不受江東子弟情十丈
靈旗陰白晝猶聞叱咤大風聲

劉珊字海樹號介純漢川人嘉慶辛未進士歷官潁州

知府有亦政堂詩集

白蓼花

到眼西風醒斜陽認有無秋心濃不得水國淡相須破艇
梢雲淺寒鳧抱雪隴更誰覓孤賞淒絕對江湖

秋歸

秋色忽如此門前落葉深蹉跎游子恨慰藉老親心新雨
蟬聲足斜陽雁影沈不應怨遲暮流水自鳴琴

折柳枝詞

青青隄上隔征塵折取新枝贈遠人亦解長條羈不住要
君知是故園春

漢宮求仙謠

五柞深宮夜乞靈冰函瑤笈費丁甯穆王池上西王母又

控青鸞下漢廷

傅潢字星北一字小泉貴筑人嘉慶辛未進士歷官全

州知州有一朵山房詩集

詩話星北爲青餘方伯尊人居鄉主講席多所成就黃子壽方伯卽其再傳弟子歷宰畿輔及粵西關懷民瘼時見篇中詩亦莊雅可誦

謁陸象山先生祠

崇祠孤湧萬峯裏白晝冥冥亂煙鎖客行畏溼此少休茶
竈松房安插妥圖書萬卷藏何處但見靈臺一寸炬靜坐
不覺身墮空乾坤儼另闢門戶偶噎何至並食棄勿怪紛
紛來羣議雖有功臣如姚江已成鐵案難翻異大江東去
路日苦泥陷沙沈詎堪數果得惺惺常此居亦勝荒蕪一
片土

出郊行

一身奔走輕於鷺偶爾在衙常在路癡牀無夢厨有腳軒
裳黠淡泥塗污出郊一村復一村一旬未屆幾回住平生
本愛農家好偏教此時親此務菽麥瑣事喋喋謀水來同
捍蝗同捕窮黎見慣忘官尊視作家人苦具訴孤嶺日斜
古祠坐僮僕眠雲馬繫樹夜來蛙聲滿山窗公然吏被神
仙誤米鹽料理委妻孥客來主出易應付獨餘一事終歉
然庭閒一日牒無數

感事

萬政此官始一身民命依獨絃成響細寸木稟材微悍鷲
攢岑隱噉鴻繞筋飛專心事翦滅總與病根違

王衍梅字律芳又字笠舫會稽人嘉慶辛未進士官武

明時義言四卷一百一十五

宣知縣有綠雪堂遺集

詩話笠舫性高曠嗜酒工詩嘗謁蕺山掌教陳太守
廷慶適有餽江瑤柱者曰子能用饒字韻賦此者當
烹以酌子因押全韻成詩其警句云升沈一柱觀鬪
關兩當衫太守歎為絕唱遂奉觴以酬之少受知於
阮文達公罷官後文達招入幕府仍以詩酒自娛為
紅杏村人傳以見志越中士女言其佚事無異青藤

曉行風月涼甚

涼風吹客夢沙月導人行驅馬已十里荒雞纔一聲旅懷
無旦晚邨店有逢迎卻望滄州路冥冥煙霧生

曉起過槿園

睡覺翻階鳥雀喧遠拖吟屐過江邨禾收大野全成路雪
霽遙山盡到門春蚓怒號茶鼎熟凍蛟狂裂墨池渾看他
黃葉風如掃籬畔梅花白幾痕

虔州野泊

渺渺西風蘆荻洲崆峒雲物望中收一天殘照生鴉背滿
目青山畫虎頭八九人煙依竹住兩三漁火雜螢流鬱孤
臺畔清砧月重唱刀鐮鬢已秋

題二樹山人畫雙角石

橫峯側嶺巧相兼喚取鴉叉展畫簾南渡關山慙一角北
臺風雪看雙尖梁家婢可明珠換講舍兒須錦髻添詩老
凋零餘墨在梅花僧印尙紅鈐

林元英字弁瀛閩縣人嘉慶辛未進士官上高知縣有
漱石齋吟草

冬夜檢書寒氣逼人作此自遣

文史三冬足澄懷卓犖觀千秋列眉睫方寸起波瀾人定
地疑僻夜深燈亦寒不妨北風勁容膝易爲安

尹作翰字叔藻一字吉生湘潭人嘉慶辛未進士官桐城知縣有如如精室詩集

白鶴峯

瑞靄接龍眠空濛騰紫煙一隄環水碧三面枕山圓樹杪撐樓閣峯腰種稻田竟思騎鶴去把臂學飛仙

吳衡照字夏治號子律海甯人嘉慶辛未進士官金華

教授有辛卯生詩

詩話子律論詩以白石遺山青邱為宗其冬夜讀詩十五首評泊梅邨以次亦皆允愜茲體遠滂裕之近踵貽上名家集中往往而有固詩事之要刪見尙論之微旨已

宿韞光庵

縱步蹴鳥脊驚迴幽篁鳴卻顧所歷徑一步一崢嶸陰崖白日晃倒射兩睫青樂此深山中泉水長泠泠何不向石

室調琴和松聲松聲與琴聲併入泉聲聽人閒靜住福孰
與蘭奢爭蒼然巢枸隴日暮愁攀登

遊南山

一洞豁然敞一洞窈然曲愁猿不敢嘯倒挂白蝙蝠日色
秋蒼涼餘映散巖谷混沌鑿不死妙手剜其腹中空嵌玲
瓏亂點莓苔綠我來白雲飛我去白雲宿一我一白雲都
在石佛目南山勝絕處煙霞與石屋一洞泉涓涓遺聲聽
水樂

入雲栖隴

江水流不到崖根裊成路竹葉陰深沈鳴禽叫嘯赴自爲
小村落安禪結茅住土室蝸曲盤香龕燕分護空際落疎
鐘冷翠颯如注泉響四圍答經聲出高樹手把青松枝招

提澹容與僧雛不解事開窗放雲去

竹筧

斷竹復續竹通水妙用筧我行入山中清泉正迤衍絕似
汞瀉地好在肉貫弗奚翅符半剖橫陳界翠巘銜尾接奔
赴剝節縱流轉迴合曲鬪筧層折迭導窾吞納既汨汨疏
引但宛宛俯注承以仰近給供自遠初疑內外蛇鬪罷互
息偃豈意調水法盡頭各彌滿智笑輓轡拙力患枯棒短
晝夜響不停天機信非淺鉤連灌庖福恰稱高僧嬾儻然
變作酒便當碧筒卷

歸安學署訪端木鶴田

國瑚

輕舟偶來訪學舍小於舟相見忽相笑一官冷不休鷗波
亭子地遺蹟擅風流買醉看山去狂歌天地秋

朝日盪湖水蓬蓬生遠煙煙波渺窟宅杳靄青林閒道場
一峯秀翠撲籃輿前何年與坡老同坐挹飛泉

由淳安入歙

羣峭摩天立青圍一水流沙垠潛闢路石罅窄通舟碓急
爭風曉灘危挾雨秋險夷隨上下那得比浮鷗

秋過濟南與舍弟子校乙照同遊大明湖越五日而

別

秋柳題痕二百年祇今湖水碧於煙詩人一代斜陽外閒
煞亭西弄笛船

湖邊竹木隱層巒好是湖光向晚看回首一行南去雁月
明天遠不勝寒

鮑廷博字以文一字淥飲錢塘籍歙縣人諸生嘉慶癸

西賜舉人有花韻軒詠物詩存

阮芸臺曰以文少一掌錄中朝開四庫館進書至七百種名動當宁因刻知不足齋叢書二十餘集中年
後尤耽吟諷杖笠所至一草一木流連竟日又曰
以文嘗為夕陽詩盛傳於時人呼為鮑夕陽余贈以
句云清名即是長生訣當世應無未見書何處見君
常覓句小闌
干外夕陽疏

夕陽

一市人間夕又朝
晚來依舊滿閒寮
疏分霜葉秋容淡
細點征帆別思遙
澹澹欲隨城角盡
明明還帶酒旗飄
迷藏慣匿西樓影
不似春愁不肯銷

底事人間重晚晴
當樓殘照最關情
百年身世霜鴻影
萬里江山畫角聲
征馬雲邊驅轉急
歸舟天際望偏明
倚闌無限蒼涼意
費盡閒心寫得成

曹宗瀚字嵐樵蘭儀人嘉慶癸酉舉人刑部主事歷官
給事中有鐙味齋詩存

過陶子愚故居

應劉傷逝後重過此園林曲徑午煙寂閒庭秋草深花含
今雨淚松牘歲寒心何必山陽笛思君幾度吟

漁洋山人墓

濟南名士冢下馬拜斜陽人物東西晉詩情中晚唐一抔
淒草色斗酒醉花香雅道久淪喪斯人未可忘

邵淵耀字盅友昭文人嘉慶癸酉舉人官國子監學錄
有金粟山樓詩集

秦淮秋泛

行過丁簾蕩槩遲曉波新漲綠漪漪幾分春恨因桃葉一

半秋心在柳枝臨水樓臺珠箔捲教歌院落玉簫吹鳥聲
花影都如夢刻意眞憐杜牧之

春晚

不覺春光老沈冥任索居詩情微雨後酒病落花初避地
愁聞鶴貪眠偶枕書抗心千載上古處定何如

興福寺

梵宮岑蔚處齊梁樹猶綠餐勝常如新逢景不嫌熟西原
泉石佳一賞亦云足空潭已非昔亭外鞋紅簇車馬爲喧
闐焉能媚幽獨人誇富貴花我愛蕭疏竹

楊庚字少白一字星山江安人嘉慶癸酉舉人歷官湖

北漢黃德道有星山詩草

詩話少白桐雲閣試帖詩爲七家之一又入後九家
前人評其試帖謂題中每字皆以四面取之順天鄉

闡大田多稼詩傳誦於時
其古近體詩幾無人知之

由沙陽舟行至樊城

不是峽中路奇雲何處生
帆收沙岸白月入酒杯明
有樹詩情遠無山畫意平
水窗殘暑退緩緩上樊城

將赴易州晚出都門度蘆溝途中作

長河水落古桑乾
匹馬來過日已殘
五里風沙新店近
一更霜柝暮天寒
荒雲似岫當頭列
禿樹疑人對面看
于役有期遲不得
兼程待曉趣征鞍

新秋雨後遊龍樹寺登看山閣小飲

城南煙樹鬱蒼蒼
難得新秋又早涼
邀客不辭來細雨
留人偏好趁斜陽
樓頭簾捲山如畫
籬角花開酒亦香
我輩偶閒拌一醉
歸心莫共嶺雲忙

德宣字子浚號西礪漢軍旗人嘉慶癸酉舉人官江陰

知縣有西礪集

詩話子浚少耽詩窮覽衆家確知其得失於時俗好尚概不屑意已而盡棄少作歸諸澹簡渺栗識既卓鍊氣能輔之同時武進李申耆甚重其詩爲刊遺藁

秋日偶過西山

幾日酒樽滿不知秋已深出門隨雁影巉壁氣蕭森遠水明孤棹寒煙接斷林忽驚霜際月樵徑散微陰

官舍積數石崩劣矢砗空靈有態日夕吏散俯仰石側與石既習遂得爲詩

陰陽陶乾坤堅氣餘作石孕精全介貞嶷然標挺特側茲掾史庭正彼太古色卓爾標磊落天然著雕飾妙因剛健姿作諸林壑式穴空窺虛明文燿晰折孽枯藤纏老梅時

共瀉瑤碧客生幾歲華偶與石捫陟摩挲屬賞心幽冷契
休息元化泯凋謝不朽殊動植卻思泡幻身朱顏亦易歇
殫慮抒幽光肆志保潛德夫惟哲士名終古仰珪璧

梁元字一峯廣東三水人嘉慶癸酉舉人官瑞安知縣
有毋自欺齋詩略

清遠峽

一水偪仄去兩山高插天雲移林忽斷樹迴日低懸猛虎
窺行客寒猿咽澗泉殘鐘來古寺旅夢淡於禪

和曾賓谷方孝伯游光孝寺韻

鐘聲百八出疎寮霸業崢嶸轉瞬銷宮闕何年開法剎河
山終古咽寒潮光搖珠海東西塔夢斷羅浮上下橋欲覓
南能論興廢菩提葉落影蕭蕭

十八灘卽景

宿雨全收日正晴微風不動碧波平舟從石罅盤旋去人
向山腰宛轉行幾曲煙村橫酒旆一江雲樹曳蟬聲客中
飽食渾無事卧聽灘濤數驛程

管貽蔭字樹荃陽湖人嘉慶癸酉舉人官固始知縣有
裁物象齋詩鈔

渡河

輕舟又泝浪花堆無恙征帆趁曉開霜氣白隨朝日斂沙
痕黃挾怒濤回魚龍尙切三秋警壁馬誰消萬古災笑向
長年數陳迹十三度記問津來

陳僅字餘山鄞縣人嘉慶癸酉舉人官安康知縣有繼

雅堂集

周伯恬曰餘山作令十餘年皆瘠苦地嘯歌自得靜
謐安雅委婉周至深合古詩人之意
足抗衡宋元大家而入律細謹寄託
遙深無不合於唐人不蹈宋元流弊
吳仲倫曰才

卑栖
面面雲峯好荒衙置此間吏人隨鳥集賓友訪僧還水氣
石邊靜松聲風外閒卑栖吾自足猶勝買青山

和王萊園少尉送別韻

莫訝清霜兩鬢斑蒼生痾癢苦相關晨星讞牘昏搜霧春
雨開荒瘦鬪山直道敢忘三代後虛懷難滿十年間多君
尙記相從日冰雪襟期洽往還

王蔭槐字子和一字味蘭盱眙人嘉慶癸酉舉人大挑
教職有蟻廬詩鈔

詩話子和世居丹徒江洲與王柳村同鄉里並有詩
名時稱江左二王其父僑居盱眙遂注籍焉晚有目

疾不仕陶文毅於洪澤湖治水軍舟泊龜山賦詩紀
游屬和者數百人獨許子和為詩人為序其集日廢
後吟詠不輟江淮間推為老宿王笠舫贈詩云遙憶
僧伽塔斜通揚子津大江幾名士同姓半詩人白鳥
閒來往青山相隱淪前村有紅樹歸詠故園
春盱眙王子頤江孟棠皆能詩與唱和者

雨後同孟棠孝廉夜登玻璃泉清心亭

三秋積雨多客夜聽泉至溟濛峭峯頂疎林沍雲氣秉燭
照迴廊古徑壓空翠西風吹高巖打頭亂葉墜長淮寂漁
火暗聽驚濤沸萬瓦黑甜中一鐙隱湖寺茲地數登覽夜
景領尤異烹泉話石欄眼前獲新契亭名玩清心澄澈平
巨意何用警霜鐘靜理悟禪諦

崑山過顧亭林先生故里

郡國關心利病陳玉山遺老負經綸河汾弟子興唐室遼
海先生自漢民落日荒陵揮涕淚征車斷碣訪荆榛高門

宅相都零落故里經過感替人

焦山放歌懷子頤並寄柳村徵君

濃雲一片浮空來鬱律萬古青不開東風料峭布帆送到
眼倏忽驚樓臺海門東去波接天一拳突兀洪濤間長江
泱泱望不極萬里一碧流春煙陰崖百丈暗松柏石磴盤
盤入空碧絕頂高翻鶴鶴巢天風泠泠生兩腋丈夫不合
淹市廛不能富貴還學仙桃花洞口笑相識白雲待我三
千年肩拍華陽隱袂挹焦孝然驂鸞駕鵠任所往安得復
有人世摧輪折轂之險相憂煎我家杜若洲邊住咫尺蓬
萊屢回顧風塵瀕洞損朱顏十年悔不攜遊具山僧導我
深篁行指點斜陽作晚晴沙邊白鳥一雙起江天絢爛朱
霞明琅琅淨玉鐘鬱鬱瓜洲樹風潮窅冥援孤琴松聲戀

客不能去故人曾吹鐵笛來磨崖好句驚仙才西風何意
遽吹返嗟哉抑塞塵與埃種竹翁元眞子相望盈盈隔江
水金丹悟道卧元關天子蒲輪徵不起虛堂明月照清輝
魚龍寂寂春星低幽懷夢繞江南北瀛海茫茫獨鶴飛

雪後寄子頤

徑僻隨鴉步亭高俯雁羣風迴陡山雪天暗女湖雲轉漕
紆時策防河異昔聞美人寒倚竹空谷欲何云

自盱眙至金陵道中作

秋風吹桂樹驛路飄清香淮山一夜雨霽色催晨裝寥泬
天宇高新雁爭先行倦眼盼晴雲老鶻亦高翔野人衣食
謀所樂惟稻粱江淮夏盛漲流冗良可傷高原幸有秋如
雲罷亞黃旅食勿云貴且復歌金穰

暮宿蓮塘雲曉策金山蹇鄉音雖漸改百里未云遠西風
阡陌涼亭午日猶暝野店帶溪橋鷺鷥亂清淺擔夫柳陰
卧行子荻棚飯蕭蕭草露白牛羊下遙坂前路問耕夫煙
中指候館葉無款不似餘照漫翻寒木昏山翻暮雲
江流何呼洶浮梁風動搖解裝古棠邑落日輕舸水痕
漲初落木杪懸菱菱髮紫鬚垂乃長枯楊腰十室九空
壁野風吹屋茅目擊實可慘况聞千里遙明月照溶瀾瓜
山浮一瓢熒熒葦間火疑有驚魂嗥此鄉稱膏腴天吳偶
肆驕哀鴻盍歸來春麥亟荷鋤回首望吾鄉五壩頻增高
嗟哉濱淮田歲歲沈波濤

晚渡錢塘江

羅刹江聲殷似雷扁舟搖兀怒濤堆身從大地孤鷗泛潮

挾羣山萬馬來南渡衣冠秋草寂西陵鼓角夕陽哀古懷
牢落眞無賴呼取餘杭酒一杯

曹元詢初名業字靈懸安邱人嘉慶癸酉舉人道光初
舉孝廉方正有蘿月山房集

壽佛寺寓居卽事

兀兀惟影對淒淒寒夜心疎鐘殘夢覺古殿一鐙深松雨
滴還歇紙窗晴更陰由來車馬客誰肯此相尋

懷范鏡秋

西風與落葉無處不紛紛照影臨寒水看山隔暮雲夕陽
明遠寺古路入荒墳杜若行堪把因之轉憶君
料得南游客於今欲白頭好爲將母計莫惜折腰愁遠道
偏多雨懷人畏及秋那知故鄉客十月未披裘

王絕句字詩
雞鳴窗欲白無計留君住縱使後當來何如今不去

楊昌光字秋笛號花塢湘陰人嘉慶癸酉舉人有芸窗

小章

北行舟中作

誰云白俗與元輕陣馬風檣筆底橫
萬里雲煙歸客夢一天雷雨挾江聲
落花有憾眠寒蜨楊柳無心坐曉鶯
指點片帆相接處征途多少別離情

尹尚廉號退谷昆明人嘉慶癸酉舉人有玉案山房詩

鈔

閒居有感

三畝揚雄舊草亭終年獨守太元經
酒邀碧海蒼龍勸琴

許青天白鶴聽窗外月明橫桂影座中風冷散蘭馨諸君
誰愛疏狂性贏得柴扉盡日扃

遇同鄉

武陵縣北遇同鄉駐馬迴車忽夕陽兩字平安傳語罷不
知何事淚千行

劉廣禮字德亨號寅甫番禺人嘉慶癸酉舉人有息機

軒詩

江行

江行鎮日作南風湖水漫漫望瑞洪客況不忘驢背上詩
心多在雁聲中二千里計鄉猶遠三百錢沽酒已空一抹
殘霞閃金碧漁家晚飯柁樓紅

王夢庚字槐庭號西躔金華人嘉慶癸酉拔貢歷官四

齊川北道有冰壺山房詩鈔

鳳觜厓

丹嶂生夕陰晴厓斂紫霧我怵雞頭關先循鳳觜步仄徑
穿寒雲石磴莽無數壁立窮躋攀罔敢回首顧微音墮幽
鳥懸根敲古樹霜葉煥九苞蒼茫無定處延緣踞層巔負
然絕比附乘作凌雲翔千仞有餘慕

晚宿夾壩石

登山樹橫嶺度壑泥濺石石險路益紆壩長山轉逼中道
分窪窪流泉詭出沒遙翠寒煙封深綠叢莽積金鴉負斜
暉狡兔散殘雪岸腳雲葉青樹腹燒痕黑伏巒巧障袂懸
崖駭當額林高起夕陰徑曲釀暝色遙竹村煙昏喜點野
火密夾岸鶴鷗唳近寨狺犬出解轡費踟躕展榻獲寢息

板屋淨客塵遙峯墮明月

中秋同友人待月

勝友良宵列座來高歌誰奏紫雲回十分秋色遲明月萬
派江聲落酒杯風力冷侵梧葉老露痕香逼桂花開銀河
隱約星光閃絃管樓頭著意催

松化石

蒼髯擎空卧雲起支離返寂含精髓龍鱗化盡三千年五
花壁立濤聲死延真觀老戰風雨自然道人頻屈指摩挲
瘦骨敲青銅元鶴歸來斂雙趾崑岡元圃黯無色礫柯離
奇景高節

丹陽雲陽驛

撲地楊花歷亂飛津亭暮色認熹微天涯作客行將老江

上尋春半欲歸隔岸鐘聲穿古樹長隄鐙影點柴扉崇邱
待訪孫郎碣聽斷嘯鳥送落暉

詞人兩度鳳嶺

金烏旋辟斂雙翼雲衣鋪絮天光黑蛟宮縹出冰蠶絲散
作千條萬條密衝風仄徑緣秋毫舉頭遠見千峯高浮青
積翠互明滅勢如昂首將翔翱橫空半入青天影幾度天
風吹不醒馬蹏泥滑石磴斜僮僕驚呼到鳳嶺蒼茫雨色
羣峯連峻嶺高高尺五天阿閣九苞澤深霧虞廷六翮凝
朝煙西岐聖德周羣類遠聽雖喑鳴聖瑞我欲披尋丹穴
蹤滿鳴溼雲常似醉溼雲接天山勢崇兩當流水東復東
衝開峯頂雨絲腳山鳥一聲斜日紅

中河寨

寒雲漾空山影溼槎枒老樹萬株直神鞭鞭石石怒飛削
出方城絕四壁萬夫結寨高入雲猿猱臂斷鴻翼折山精
凍死靜白日繡作層層土花碧

宿瓦寺溝

冬山忽如睡巖壑謝春菲雨雪倦行役羸馬慘不肥連朝
歷嶺岼早旭迷夕暉山水非不佳所苦筋力微村舍倚山
麓鐙透白板扉心急路轉迂暝踏行人稀雞犬已高卧羊
牛久來歸終南有茅屋倦念素心違

松谿堡

路入松谿堡懸崖賸古松波光翻石壁竹色護村春雞犬
黃沙曲牛羊碧草茸樵歌空際墮穿出白雲重

史密初名襄齡字梅叔號梅裳濟甯人嘉慶癸酉拔貢

歷官淡水同知有史梅叔詩選

詩話梅叔詩高曠負秀抗心希古五言尤工發端如
云落日山蒼茫超然見嵩岳寸心一迥薄飄風與之
飛日落見千古曠然登高臺皆極警策集為滿洲文
康所刻文康字鐵仙官駐藏大臣費英文襄孫也

劉黻山中作

谷靜一鳥響始知山已深起來視庭戶清松圓午陰何以
朗懷抱山水與鳴琴大文彌外樸至音轉內沈即理信非
隔所欣良在襟

寄戴山人

草木猶未落客心先已秋秋心將淮水日夜東南流寒空
萬嶂出落日千里浮回首滄海上煙波使我愁

武曲峽

亂峽坼全天破石入太古崩雲洩嵌竇滲陰漏時雨中江

東朝昏外劍割寒暑冥冥檜樹林哀哀叫杜宇野人置屋
高深居避豺虎峽門霾日車見炊始知午巴俗多古風男
女自力苦百錢供客餐肉酒滿尊俎中原甚荒饑物價那
可取所以蜀地粟千船下荆楚惜哉瘦瘵多卜居畏水土
遲遲登前途悵悵逐徒旅

自丹陽至吳門過無錫登惠山啜泉愛其清幽返舟
賦此

浮雲度江來飄然帶秋色見山卽戀岫遂如愛山客況茲
嶂罅深窈窕入幽積蒼崖蕩翠微林光漾空碧清氣滿吳
關江城正煙夕舉蘿挹飛泉依松躡隙跡愛此陵緬新懷
有周旋惜宛若情深人初識已脈脈回首悵峯巒登艦杳
相隔

聞觀察使熊公方受左遷東昌太守爲長歌寄之

亂山嵬嵬雪撲天雲愁樹塞寒無煙大河欲凍不可越路
遙翅短無由前去年遇敵桑弧鳴賊來不近曹陽城交親
欲致范孟博干戈悵阻孫子荆君今汲黯已卧守河東季
布必不久斯饑正躋南山幽維霰難蒙日在葦東北蒼生
今凜冽幸逢堯舜忍決絕但須努力愛黎元莫使絃歌負
稷契

自北固放舟登焦山值雨留松寥閣

長江到海風愈急焦山一點江中立心游腳阻不得前浪
緊人稀舟獨入山根倒浸石磴盤崖有高閣衆峯攢分巖
插谷樓殿出飛鳥不到浮雲端入雲坐閣天蒼蒼樹木叢
雜山悲涼萬里之勢向何處遙空卷入青茫茫忽覺海氣

變蕭索黑拔溟渤眼前落雲驚雨駭中迷離鼉吼龍吟動
山閣僧言古鼎不可窺會奪巨魄神鬼隨端人志士抗高
節至今直氣噴雲雷我聞太息嗟神異梁棟沈沈寒出地
但見白鳥穿青霓大海斜陽散秋氣雄奇恍惚在頃刻生
平快意茲莫測蓬萊出沒必有之攀厓最近此其時

雨

入夜高檐雨孤鐙照欲明空堂沈海氣虛閣走江聲但溼
開州路休侵滑縣營何如勞旋後留洗朔方兵

柴關嶺

落日散關色亂雲斜谷風猿嘯青嶂合鳥過一天通石裂
崑崙北江流漢沔東遠游動高興山色慰蠶叢

夕雨

危閣懸秋望冥冥氣欲侵風寒山翠落雲定野陰沈虛郭
連江暗孤村冒雨深閉門成夕早獨坐一長吟

望江樓

萬樹爭夔閣千山急劍州我來八月節登此百年樓地逼
巴渝盡天包楚鄧流何堪復吹笛風雨及深秋

閔新字茗香應城人嘉慶癸酉拔貢有雙桂堂集

夔陵游臨江墅

臨江有墅枕江流未上天梯暫舍舟孤塔影遮帆出沒曉
鐘聲斷樹沈浮松關尙閉知僧懶竹徑微吟破客愁莫盼
勝游還入夢招提雖好轍難留

汪漱芳字潤六號柳橋簡州人嘉慶癸酉拔貢有十梧

山房集

秋懷

落葉下庭除涼風被原野四顧何沈寥萬象空瀟灑秋士
例悲秋含淒向誰寫黃菊慘不芳采之不盈把鄰不來二
仲誰與傾三雅秃筆黯無光哦詩亦聊且不辭擁鼻苦所
傷和歌寡明月恰有情徐徐下檐瓦起舞招明月徘徊月
之下月來復月去中庭露華瀉

出棧後寶雞道中作

直放丹梯下碧霄四圍山影瀉如潮石埋沙磧雙輪怒風
入金天萬木驕白鹿難尋官時改黃蛇幾見霸圖消好攀
西嶽蓮花去玉女雲中抗手招

宿迴水鋪是夜風雪交作晨興書店壁以志歲月

罡風吹雪散雲關一片愁心萬壑間賸與行人助行色風

看楊柳雪看山

洪震煊字百里號櫛堂臨海人嘉慶癸酉拔貢有櫛堂

詩鈔

登六和塔

七級鎮江干凌空一倚闌月垂滄海闊想結暮雲寒古越
憑遙指秋潮入壯觀客星高可接將去問嚴灘

孫成彥字廉甫嘉善人嘉慶癸酉優貢官博羅知縣有
小謨觴居詩存

游慧山

深深山寺掩重扉白塔紅亭樹影圍百斛流泉噴細竇一
聲清磬落斜暉攜符調水心難屢著屐游山身未歸遺跡
徧尋桑苧老閒雲伴我已忘機

國華樂字古問梁仲作已忘

春前暮登徐觀謝林歸本山巖麗昔賦賦山良未觀微

辨若山香樹重兼白教致亭樹溪圍百機紫泉與勝實一

湖波嶺嶺山如美善善善善善善善善善善善善善善

善善小氣驟風掃百向空空空空空空空空空空空空

善善如氣空氣善善善善人善善突西對貢宮軒報賦賦

善善如對對人其其其其其其其其其其其其其其其其

善善如對對人其其其其其其其其其其其其其其其其

善善如對對人其其其其其其其其其其其其其其其其

善善如對對人其其其其其其其其其其其其其其其其

善善如對對人其其其其其其其其其其其其其其其其

善善如對對人其其其其其其其其其其其其其其其其

晚晴移詩匯卷一百二十五終

晚晴彙詩匯卷一百二十六目錄

祁鶴藻 二十二首

吳振棫 三十九首

王瑋慶 六首

李周南 一首

喬用遷 一首

鄭開禧 三首

王協夢 一首

朱達吉 三首

鄭敦允 一首

蕭德宣 三首

黎恂 八首

范仕義 二首

路孟達 三首

潘曾沂 七首

汪遠孫 二首

唐樹義 一首

劉喜海 一首

劉禮淞 五首

曾興仁 一首

張履 十六首

方炯 三首

劉滄 三首

俞鴻漸 五首

林端 五首

甯熙朝 二首

劉沅 一首

劉熊 二首

胡貞幹 六首

李洲 一首

王維 一首

王維 一首

王維 一首

王維 一首

王維 一首

王維 一首

王維 一首

王維 一首

王維 一首

王維 一首

王維 一首

王維 一首

李風 一首

李風 一首

李風 一首

李風 一首

李風 一首

李風 一首

李風 一首

李風 一首

李風 一首

李風 一首

李風 一首

李風 一首

晚晴簃詩匯卷一百二十六

徐世昌

祁騫藻字叔穎號滄甫改實甫又號春圃壽陽人嘉慶甲戌進士改庶吉士授編修官至體仁閣大學士致仕再起以大學士銜領禮部尚書贈太保諡文端有

復欲亭集

詩話文端斐忱清節為時名臣道咸之間海內多事朝貴中尙文學接士流者惟文端為碩果時論尤歸之於詩致力甚深出入東坡劍南而歸宿於杜韓論古述今每關掌故罷政後所作託意深婉詩境益進昔年通籍出文恪門下淵源遙溯歧慕彌深

題煦齋夫子惜驄馬圖

九門鑰鑰一夜開金吾將軍騎馬來馬前緹騎擁大戟闐城溢郭歡如雷明日都人爭動色報道將軍已擒賊將軍

神勇人不知但見駮耳隨風馳風馳電掃無留盼蹴踏紅
塵來白澗來時行殿午陰斜卻到都門未晡飯將軍報主
不愛身馬亦宛轉從將軍草中狐兔復何有天上騏驎自
不羣當時畫圖撫駿骨鐵腕花髮氣鬱勃即今玉勒擁沙
隄猶想連錢錦障泥將軍功大心更厚念舊惜勞及奔走
自是風塵物色難定知詩句流傳久我欲范銅寫此馬置
之黃金古臺下驂騑裏世間多不遇孫陽當奈何癸酉
秋林

義帝陵

居鄴一言三戶起新城一言重瞳死可憐二老真英雄提
挈項劉如孺子漢誠天授楚天亡大義所存世莫當不然
縞素三軍眾未必烏騅百戰強楚人自古懷忠信涕泣君

臣同一燼角黍蛟龍湘水深荒陵風雨郴山峻茅屋蕭慘
石虎悲攀登猶有牧羊兒但聞東海田橫島不見江南義
帝碑

題壹齋師餞書圖

長鋏歸來尙有車短鐙繫在卽吾廬不知疏傅黃金外可
載蘭臺幾卷書

兩朝御賜重琅玕萬本丹黃手校完白髮幾人譚舊事茂
陵曾識寫書官

乾隆間公會與
四庫館繕書事

蔣礪堂相國以十歲童試卷簽裝冊屬題

昔時白屋擅英聲今日黃扉贊泰平才似長源眞宰相年
如穎士已諸生

蕭穎士十歲
補大學生

宏辭一卷留程式碧落三山

記姓名多少孤寒依廣厦風檐回首氣崢嶸

書篋緘藏歲月多墨香泥印未消磨已看彩筆傳諸子猶
憶青衿擢上科斷紙零牋珍若此竹頭木屑用如何知公
念舊無遺物長短鐙檠莫漫歌

送胡竹村

培輩

同年歸績谿

古人著書不得已書成身廢良可歎若使勳名照竹帛何
爲雕琢愁肺肝君嘗爲余述師授斯語聞之汪文端因言
年少治經義獨於三禮心尤單瓣香欲祝北海鄭苦讀每
笑南陽韓中年通籍習吏事回鷄鳳閣遷農官農官急務
在心計決別常恐遭欺謾卽不被議且歸去小謫總荷君
恩寬秋風蒨鱸久相待南國鳴雁何時安還家一笑奉菽
水賴有文字娛酸寒君看仕宦得意人罷官忽若無餘歡
人生得失未可較海鷗奚事儕鷓鷯因君致聲問匡鼎說

詩之樂何般般胡墨莊先生近著毛詩後箋聞已寫定

觀勵宗伯宗萬競渡圖卽事述懷因題其後

博桑日出天下曉萬頃一碧滄溟小九龍飛舞出瑤池五色離披逐仙鳥陽開陰合爭後先獨有黃龍更天矯騰拏宛宛從東來銜尾羣龍不敢掉憶昔澄虛水閣涼仙莫一葉開端陽至尊親御芙蓉榭侍從齊排鷓鷯行須臾彩鳳傳丹字豈止驪珠三十四雲霞駘盪曳波濤絃管鷗鴉破空翠羽扇香羅拜賜回鈞天廣樂夢中催詰朝獨鼓湘江楫同伴爭誇碧玉杯癸未五月朔日上御澄虛榭賜近臣觀龍舟競渡雋藻與焉次日遂拜視學湖南之命午日賜酒傳杯未獲躬逢其盛聖人作事無過舉上奉慈歡下胞與禾黍惟思協雨暘歲時何必沿荆楚楚些三年厭使軒歸來道路喜傳言已見錦標辭鳳掖更聞絳樹出梨園白

明史紀事本末卷一百一十六

頭宮保香案吏左田尚書能說三朝泰平事赫赫穿池教戰功

明明卻馬焚裘意當日如山眾畫工郎世甯唐岱爭貌玉

花驄不許金明繪池水但令殿壁圖幽風此圖卻出詞臣

手點染新蒲兼細柳江山人物清且妍想見鬻軒豹尾後

此圖江鄉風景蓋乾隆年間南巡扈從時所獻御吾皇儉

德繼先皇嘉頌無煩第馬揚南海鯨鯢掃三窟頃年湖南廣東

臺灣夷匪東吳稷稻集千航

福州督署觀右旋白螺歌

百川東注天左旋地軸入海樞在天靈螺抱珠獨右轉乃

與七曜精光聯在昔乾隆歲丁未王師偶指閩海壘天風

送潮百靈埃馮螭擊鼓龍趨淵帝謂爾眾涉大川錫爾白

螺神所虔斯螺獻自藏班禪得月之精乃水母陽侯當之

走且顛維時闔臣恩望專九拜而出登樓船鯤身鹿耳坐
超越談笑不待鼉鼉鞭功成惚恍若有恃佛力亦藉天威
宣海邦從此得寶鎮不惟其物惟其賢大哉皇心契真宰
盧牟六合歸陶甄天西兩藏萬藩部奔走梵唄銷戈鋌此
中功德以神教精誠所至非言詮去年中山有冊使槎路
來往如登仙何況雞籠近咫尺商艘漁艇紛洄沿爾螺有
靈不可鍵海旁蜃氣莽成市安得一掃空雲煙

灰埕相傳始皇焚書處

礪谷知何處

礪谷阮儒處

灰埕尙有灰六經終不滅一炬竟先

災慘澹陰符出蒼茫赤帝來至今原上草秋燒滿荒臺

周道昔云墜羣言多異同不經秦火劫誰識漢儒功口授
篇章外心傳訓詁中嶧碑焚已久刻畫信徒工

游蘭州制府後園遂登城北望河樓感舊述懷

臘日無風天氣暄主人留我游灌園入門一曲開東軒迴

廊夾道交籬藩木葉既落枝柯繁避人鳥雀爭騰騫小亭

低檻手可援連岡起伏如驚虬老圃界畫泉潺湲倚闌聊

息腰腳煩回眺似有雙朱轡乘之可陟城北垣拂雲樓望即

河樓前楹高雲亂翻黃河直接崑崙源冰橋踐雪車馬喧以二

船爲橋冬則徑行下有千丈波濤掀西來天馬通大宛隴

冰上謂之冰橋樹東指咸陽原主人危坐客有言此邦鎖鑰天西門蔥嶺

兩道兵四屯萬里一綫達帝闈控馭中外節鉞尊野番回

鶻氈裘溫饑鷹側目豺虎蹲邊將日醉蒲桃罇守非其人

寇卽婚漢唐得失不敢論羈縻之義古所敦翦其支蔓固

本根南望龍尾山名卽皋蘭西支乾隆間阿餘煙墩文成

形影錄詩四卷一百一十一

祠廟歸然存天陰似聞鐵騎奔憶昔作客來西垠開元相

國仍有孫

文成之孫文毅嘉慶十六年官陝甘總督十八年去任

爲我掃徑加盤飧

此園樸素眞山村兩載日涉窮晨昏碑字鉤勒手留痕

文毅

家藏米老懷素墨蹟鉤勒上石余曾與其事

池水自清河水渾往事欲說聲先

吞年少氣猛過孟賁豈料齒豁頭髮髡人事變化鵬與鯤
舊游重歷皆君恩論交四海如弟昆吾舌豈爲主人捫歸
來凍月側金盆他日更約看朝暾

幽蘭

空山四無人知有幽蘭花花開不可見香氣清且嘉飛流
下危磴時有橫風遮香久亦不聞山深愁路賒眾草何青
青吐豔明朝霞如何咫尺間渺若天一涯援琴坐白石日
暮三歎嗟

亭亭復亭亭孤芳空自馨美人偶一顧移植來中庭中庭
花木繁紅紫羅錦屏一莖止一花何以奉尹邢亦思九畹
滋力薄身伶俜雲窗霧閣中疏絃何泠泠不歎知音希希
聲難爲聽

去冬以朝馬贈杜繼園少司空

翰

今春復以行帳假

之慨然述懷

不分曉漏與嚴更趨直衰年代步行曾傍禁垣陪玉勒每
從春苑扈霓旌據鞍可遂平生志鬻駱能忘舊日情好去
莫須頻顧戀相門忠孝有家聲
行帳相依三十年薊門直到柳條邊看他補綴搢持處歷
盡風霜雨雪天投贈媿無新錦段卷舒仍是舊青氈君家
武庫何須此應惜香鑪一縷煙

雲山別墅吾鄉京官浞園公退之所金陵尙書何恪

慎公舊居也余嘗爲書寄舫題詩於後乙卯之秋

公子青耜農部兆瀛重過感懷題詩見贈次答

猶記柴扉傍液池退朝觴詠集於斯十年畫舫留題處一

榻僧寮對影時時余寓雙橋寺傳舍不知誰是客角巾無意再尋

詩請看車轍門前路苔蘚斑斑在井眉

棲霞江上放船回舊雨花間掃徑來北向雲山心共寄四

圍金帶手先栽牡丹芍藥皆尙書手植披襟每倚藤蘿月起草仍留

蠟炬灰付與空堂吟蟋蟀便教鄉夢到臺駘

壺中日月洞中天紫府官曹許接聯爽塏已辭齊相宅尙書

再來京師特蒙賜第衰庸休問絳人年故園一別難回首何日三軍

得晏眠各有蕭條羈客感白門煙樹總悽然

明詩話卷一百二十六
六
久聞何遜工詩律曾共山翁把酒尊寶劍未逢吳季子叢
臺空憶趙王孫連珠古錦紗籠句破壁寒鐙屋漏痕獨媿
桑榆羸病叟閒居猶荷九重恩

次韻宗滌甫顧祠修禊

逃名誰識圭年老別思秋江餘畫橐弔鶴空歸曲沃園浮
家莫問崇明島當時兩馬載書卷周覽中區恣搜討都門
古寺偶停驂歷下東湖旋就道至今遺蹟人尙思對客炊
羹事堪攷以上見張石州所輯顧譜離披書帶想階屺鬱勃蚪枝動鱗

爪先生精靈何所寄落葉荒榛不可掃糟粕空將蝨簡求

弋羅仰視鴻飛貌繡衣使者老給事騎馬避人焚諫草猶

登禮堂肅瞻謁共薦溪毛勤采芼集韻三十一皓收芼字觴詠恍依

蘭上里雲山直接花蒲保崑山里居羣賢蓮社答形影是日陶

座輩在滿座龍門歎淑皓春游城郭天氣新歸路林花詩句
好猛思江海多旌旗不覺風塵雜襟抱郡國誰尋利病書
功名且試河山表白頭吟望獨低垂無復飛騰馳翰藻

海鳥

海鳥曰爰居遠巢西海西如何九萬里翩然魯郊栖將毋
風爲菑中道胡不迷古者雉獒貢思患防端倪異哉臧孫
智曾不故府稽一朝鐘鼓饗漸及幣與圭初筵尙震駭久
乃甘如飴樓臺蜃市旁出入干虹霓海鳥非一族同居情
則睽箕斗天漢高烏鵲橋梁低織錦能幾何報章終日徯
天風吹海水青冥安可梯午日今再中爲語桃都雞

吳振棫字毅甫一字仲雲號再翁錢塘人嘉慶甲戌進
士改庶吉士授編修官至雲貴總督有花宜館詩鈔

姚春木曰仲雲黔行詩雄健古直其赴官滇中詩曰
 蒼雪集老勁之外益見秀媚於時下質憫空滑之習
 一無著染而奮然自進於古賀耦庚曰仲雲少時
 已斐然有作入官以後乃愈老愈樸其目之所觸身
 之所歷關民生疾苦者累獻重噫長言詠歎間及邊
 防國計則援古剴今懲前毖後蓋躬其事則慮之也
 周歷其難則言之也痛其或事與願違每怒焉自責
 自傷雖至無可如何而流連往復之餘時復不能自
 已乃至中更顛躓而無改其度卒乃復振亦若視為
 固然此其意境為何如乎是亦變風變雅之遺也而
 優柔平中猶見先民之軌則焉仲雲黔中之
 詩曰漢官清夷人平余雖不敏請事斯語
 詩話仲雲累葉稱詩思深力厚風格老蒼嘉道以還
 為一大家同年祁文端尤推重之歷官清介耄歲歸
 休平生宦游之蹟滇黔最久正雅集記其風雲百開
 合今古一鴻濛二語謂足盡摹狀山水之妙冷熟故
 事有養吉齋叢錄二十六卷餘錄十卷孫慶
 坻曾孫士鑑並入翰林有時名紹其世學

黔山雜述

西南入甌脫羣峭忽奔驂縱橫支榦分十九圖經漏崇嶺
 疊鉤鎖刻畫豁氛冦百狀斲渾淪一氣孕堅瘦但經意想

到未算奇險構池邈如屏張妥帖等盂覆形端從臣笏氣
猛戰士胄欲行不行龍將飛未飛鷲爲陽闢陰闔若神馳
鬼驟脈急前後承勢仄左右救裕衍脇側穿空洞腹中透
冷白塘孤鈿純碧熨萬皺倒空壓鵬翼旁突截馬脰直教
地形窮方信天巧富仰掇星如棊俯聽雷出竇嵐陰暗如
夢雲氣怒欲鬪兩厓架垂虹一竅納急溜迎曦谷含赭裂
壘石畫籬危陁厯漸盡餘勢蓄猶厚稍稍疆場開草草室
廬陋柱短石覆檐牆低版縮踰屋頭雞爭唳牀下豕忽狗
畸零不成村雙隻或依埃窺人闖狂魑奪路走驚狢深蘿
頑陰闕怪樹雜色糅松液胎人形丹汞達奇臭毒藪愁鉤
穿瘴蘘懼攀嗅嗟茲黔土境太半楚客僦詭畎割溝塍獠
界雜鈹耨天寒衣揜骨日午甌絕錙引藤勸斟酌毀瓶招

明倫彙編 家範典 卷一百一十一
八

誦詬畚爭枯槎拾碑禁啞泉漱睚盱心寘營寒苦骨易壽
矧彼種人繁益慨夷俗狃鑄刀先試人伏弩工殫獸縛楮
招寡雌吹蘆合蠻奏卜惟用荒茅處竟穴深窳剝牛神莅
盟放蠱鬼伏咒險則鋌走疾怒卽羣吠喉聆音耳如塞覩
狀眼欲瞽瘁膚憐僕衰怖魄惜兒幼豈有險踰此而竟客
來又王程迫馳驅野食互勸侑帶悲移孔寬字失疥壁舊
偵邏絕鈴柝噉踞溷庖館人孰饋餧客邸轉匿綬宵驚
夢多魘鄉遠心自疚習勞健能任脫險禍誰宥但歌行路
難敢悔作計謬安得付剗夷曠蕩見宇宙

渡辰江望丹山

一江納雙流波勢捲寥廓羣峯壓扁舟頗慮篙櫓弱稍稍
灘腳迴遲遲沙尾著南望隔岸山千尺俯城郭石動風雨

懸谷暗夔魑樂云有仙真人栖此鍊大藥至今洗丹處紫
氣抱飛閣籀書九千外奇字誰所作舟師指示我靈跡具
灼爍吁嗟塵濁中焉能招黃鶴羽化多渺茫耳食誤假託
祕籥啟靈臺萬象擲糟粕

自桃樹坳至巴家坳皆極險峻

入山耽苦吟摹狀成結構山意不我屈出奇與詩鬪茲辰
涉諸坳遂使我馬瘦上坡駭梯空下坡疾放溜苔滑不受
趾木標幾絕脰阪危側掀淖石裂下陷竇怪禽前後嘯霧
雨無白晝一步一惕息十步一逗留入險非人擠敢籲神
物救飢疲無佳思鈍手欲縮袖但歌蜀道難未免見聞陋

書強忠烈手蹟卷後

嘉慶癸酉直隸逆賊林清與滑縣人李文成牛亮臣等謀剋日

作亂忠烈知滑事廉得實禽其渠械治焉賊黨謀劫獄囚不及期先發城陷忠烈一家三十五口殉

義死而郡縣皆嚴備兵林清犯京師滑黨無得至者故立就夷滅仁宗皇帝錄公爲功首有功在社稷語褒贈之禮甚備咸豐己未九月公子前忠州牧望泰示公手蹟卷家書一遺屬一論李忠愍毓昌死事文一再拜三誦而系以詩

洪爐發猛火良玉光不蝕烈風西北來勁草眾始識懿惟嘉慶朝文武多英特心肝奉至尊臣節繇是植紀年當癸酉京輦余旅食晝驚妖彗長直掃紫垣側九門斷車馬氣色盡惶惑赫赫威烈槍一破天地黑電旗挾雷鼓中夜掃狐蜚清蹕在近郊萬騎旋寶勒晏然遂無事天蓋相有德先時白波寇遠結黑山賊滑臺實凶巢牛李姦叵測苟非巨刃揚孰能翦其翼外賊應期至三輔禍愈亟神都百萬戶縣命在晷刻偉哉忠烈公摘發無伏匿恨未膏斧礮獄底係徽纆先發勢轉孤計早亂源塞嗟嗟城隍隳小縣闕

兵力闔門卅五口橫屍慘閨闕大吏疏以聞天子驚歎極
推原事本末煌煌下手敕謂非尋常功乃在社稷風轉
四十年回首猶記憶賢子政甚清抱卷日拂拭卷中千百
年精氣貫簡墨訓家助儉勤論事豁忠直剛腸無巧舌讀
者但太息就義真從容視古顏無慙方今久苦戰徵調徧
南北將吏豈不多烽燧胡未熄昔時亂則戡未至憂蹙國
長歌凌霜曉述往意淒惻作歌者爲誰先朝史臣械

藤花歌

老藤廣蔭三畝餘乃在聽事東南隅我來霜雪正蕭悴陸
槁疑是樵薪枯苔封石倚勢盤屈五龍糾絞根非孤蔓延
四走絡高架億萬鬼膊相枝梧三月四月土脈酥一雨再
雨甘醜醜柔絲吐春換新綠纖纖嫋嫋森魚須煙苞露甲

看漸圻一夜脫盡青羅襦曉晴睡足帷幕捲紫氣赭赫驚
雙矚瓏玲香界寶瓔珞鉤連綴繫密復疏奇芬醜醜試微
嗅霍然肺病今朝蘇青錢買春作清賞延客亟喚長鬚奴
惜哉地志闕未載又無好句窮追摹輪困鬱崛數百載惟
供俗眼爲歡娛風塵連蹇士失職得不與此同嗟吁欲求
良工寫萬本達之上國傳通都使知海邦有異植耀豔實
與凡葩殊得一知己可無恨不須九錫爲花諛

水磨

築石闌水水受磯失勢一落如潰圍水中大輪三十載衝
激儻忽行如飛下輪上磴一柱貫輪旋磴轉無相違不須
輾炙膏與脂前莫與挽後莫推雷風交奮出奇響日月疾
走無停機水流不方但圓折盤渦蹙碧跳明璣不杵不臼

米出甲屑玉萬斛晴霏霏自成精鑿匪人力杜公巧製誰
能希昔人豪橫殖生產妨民灌溉家自肥今人生計嗟日
微撈掠聊免鉛舂悲未須劉頌禁侵害莫與衛尉同譙譏
水聲激激寒生衣北方有此吾見稀瘦驢幸免踏陳迹東
風貫耳鳴斜暉

響琴峽

雙厓對立削鐵成上摩天闕與雲平俯視不測煙冥冥石
梁橫跨通人行墮井窺見天光明不知日月何方生怒澗
穿石勢建瓴雪瀑飛捲鷺羽輕海鰲歎欲潮倒傾龍公捧
檄驅雷霆阿香推車無暫停兩甄合戰饒鼓鳴萬馬蹴踏
虜帳驚銅山碎裂宵旬訇聞者震掉心怦怦胡乃以琴爲
之名琴含太古移我情大絃春溫小絃清九十一聲無此

聯珠詩圖卷一百二十六
十一
聲或者縹緲仙之靈愛此幽險飛馭經華山毛女招媼姪
東陽石室幽不扁曲罷月落霜峯青世上傳說驚聾盲大
書深刻不可更此意是非誰與評狂吟付與黃猿聽

劍州古柏行

劍州之柏奇在有多百里塞盡澗與阿劍州之柏多愈奇千
譎萬幻無端倪質如堅金色如石老氣九州無與敵橫枝
突怒穿別嶺危根虛無掛絕壁半枯半生態絕殊欲仆欲
起勢尤激怒芽潑黛媚魍魎空腔出火下霹靂峯顛一株
氣象尊山中萬木皆兒孫頑陰不受日月照一碧倒捲天
光吞翠雲搏結天上廊舊有翠雲廊之名每來見此喜欲狂朝潮
夕汐弄奇響上天下地流空香只愁山盡樹亦盡不因路
險嫌山長拙吟體物苦難肖寫示旁人供一笑須知物類

何重輕端賴風徽足憑弔仙蹤尙有留侯山

紫柏山留侯祠柏亦奇古

神物終懷孔明廟

松文清公虎字歌

仁宗至仁容直諫文清在朝時拜章樸忠頗不識忌諱亦有謠詠多中傷清名偉節動中外每以尺箠笞戎羌邊庭卧護烽埃靜帖耳受驅如犬羊生無他嗜苦嗜酒燒春痛吸不擇偶醉酣興發作虎字字大於身膽如斗尋丈以外一筆成山摧谷動雷雨傾雄強蓄勢跳躍出得虎生氣匪以形懸之幽堂風夜吼老魅走避兒童驚愛公書者摩挲極公之所重非翰墨藜藿不採眾帽伏淮南寢謀賴汲直鼎湖龍去四海慟公亦騎箕侍帝側狐狸瑣瑣姑弗問龜羆吞噬浩莫測紛紜世事已十年慘淡風煙想顏色卽今

塵壁賸鉅幅不敢逼視坐歎息吁嗟乎怒猊渴驥妙絕倫
書中之聖自有人守在四夷誰虎臣

盤江鐵索橋歌

此江甚廣不可梁此水甚怒不可航山高入天下入水兩
岸壁立青相當千緷百杙此橋就鐵鎖連屬百丈強幾時
改驛馳驟裹行旅爭言新路好百年榛莠瘴煙深獸跡日
多人跡少近來新路復多阻峒苗披猖擾烽羽掃除既恨
兵薄弱徵輸更歎民困苦荒坡高下田不耕破竈敲斜店
無主行人懼掠求故道膽落危橋戰雙股江上風雪聲蕭
騷我來急爲呼掾曹今年請錢速修築毋使鐵爛橋動搖
兵行似從枕席過煙塵要使須臾消君不見西征萬騎雄
且武薄伐事在康熙朝

留壩

逐隊驟網遠揮鞭夕未閒人經野羊水路入畫眉關獵騎
原頭火歸鴻雨外山今宵鳳州酒好爲破愁顏

玉屏道中

萬里看春色蕭然客眼中亂鶯山店雨一蝶戍旗風歲月
驚飛絮妻孥共轉蓬終當決歸計蓑笠逐溪翁

雨後山行

長風蕩林樾五月有秋聲客起雨初止曉涼蟬乍鳴中峯
晴色轉破寺亂泉生莫過猿嘯處恐傷羈旅情

歲歉感懷

吳楚傷心雨江湖極目波逢人聞太息卒歲更如何積漲
龜魚喜寒原鴻雁多方知飽粗糲未可動悲歌

井竈依稀在妻孥轉徙遙人生賤於草米價長如潮良吏
憐糠餅空田少麥苗微聞兩黃鵠新唱復陂謠

蕭瑟苕溪上驚危狴戶餘已寬沈命法願讀活民書呼籲
情原迫倉皇計亦疏仰懷虞內史私米恤窮閭

豈用封椿積惟憂郡國荒況通西極馬早射北星狼使節
巡行遠曷臣賑卹詳古來無旱潦何以見堯湯

風雨傷稼民多流亡既請緩征復率諸吏富人輸白
金二十餘萬兩益以官錢立法分賑冬及春凡五
閱月麥熟乃止因爲數詩識痛定思痛之意

政闕陰陽沴捫心疚在余淹傷嗟水潦補救費躊躇國算
金錢重村人廩廡虛七亡還七死流涕鮑宣書

初喜秋禾盛饗殮庶療飢奇災坐風雨下戶遂流離才劣

迂籌策權輕失便宜一官容竊祿無乃愧瘡痍
聽話窮檐事令人涕泗橫賣兒償一飽浮海勺餘生廢屋
千村有寒衣百衲成北風驅雨雪鴻雁夜悲鳴
振贍鄉閭重錙銖肯較量勢窮憂鈔掠歲暮急周防幾處
頌私米肫然念翳桑豈惟風俗古保富此奇方

答嚴緇生孝廉卽送之黔

文武無方略平生負國深艱危遂如此嘯詠復何心邊地
才尤少勞生病易侵更誰相慰喻佳語似風琴

一飽不可得去家依故人疲驢萬山雨小別亦酸辛鐵鎖
蠻江渡松明店壁塵此行無劫帥書問慰慈親

閱滇繫雜錄永明舊事

東方日出耀滄溟牛角山河燭火熒孱主爪牙羣盜賊蠻

天歌哭小朝廷赭陘臺畔雲都散舊晚坡前草尚青誰把
奇功覓封賞金蟬風雨不堪聽

將去濠州而資用乏絕

時有登萊青道之命

少連詎有淮南物漫遣繁憂集百端巢燕去來真草草磨
驢蹤跡自團團宦游似作無家別世態都輕近替官且為
老饕謀一飽白魚如雪正堆盤

謁宋文憲公祠

文憲謫蜀既歿葬於夔蜀獻王思其賢遷葬成都東門外即淨居寺為祠

屢有興替今顧毀日甚地為居民所侵爰稽故牒理其界捐俸修復祠旁益以廊宇亭館環植花木為春秋奉祠憩息之所既訖功借鄉人薦牲醴焉而紀之以詩

四賢名姓重金門晚成忠州失主恩卜兆遠依香界樹懷

鄉難返錦江魂異時俎豆英靈共

祠中舊以方先生開國正學附祀今仍之

文章體格尊莫向寒蕪悲馬鬣

墓在祠後

孝陵南望暮煙昏

見詩船去年閱兵漢鳳紀行諸詩有作

千騎秦原畫角催巡邊西過祀雞臺馬頭山色褒斜盡雁
外秋聲漢沔來偶作歌行新壁壘有如號令肅風雷金牛
古道尤奇險重鎮迴翔待此才

由沔入蜀諸奇勝詩船未至也

聞喜弔裴晉公

朋黨難消賊易除四朝遺跡動欷歔風裁陸贄詞尤激功
業汾陽福不如豈有賢姦能並進空言恩禮未全疏蕭條
綠野堂中酒世事傷心白首餘

三歎

長安朱邸太崢嶸蠹啄能無仆屋驚挾瑟爭趨門下客橫
刀新典禁中兵稷蠶瑣瑣憑誰掇仗馬森森久厭鳴不見
漢家垂史筆廢書三歎想閒平

天涯話別圖

皓首遷官仍萬里，羈鴻分影乍驚秋。
愔愔香國三年住，莽莽邊城兩度游。
客夢易醒偏夜雨，天涯難買是歸舟。
相逢重話西園舊，蘚徑筠廊卷裏留。

竹雞塘

竹雞嗁處滑春泥，湘草如煙翦碧齊。
睡起一聲漁棹遠，片帆斜日洞庭西。

雲裏

雲裏嶙峋見翠微，山山都受白雲圍。
上坡卅里穿雲出，更有白雲頭上飛。

青陽道中

秋浦聞猿淚未乾，客懷難借酒杯寬。
濛濛九子山頭雨，又

向蓬窗作晚寒

江上

白鷺飛來踏浪花
寒魚得汕便爲家
估帆爭向沙頭落
篔竹陰陰酒旆斜

淖沲

平沙枯木曉鴉多
隔岸連羣卧橐駝
水上堅冰冰上雪
揮鞭容易過淖沲

馬道驛夜坐作

側側春寒向暮生
簾垂鐙暗不勝情
擁衾消盡紅塵夢
一夜山泉帶雨聲

嘉陵江

分水嶺前江水長
朝天關下估帆張
料得江頭孤館夢
隨

風一夜下錢塘

滇中十月後梅已作花而綠葉滿枝未落也

重重如裹碧綃衣掩映仙膚萬玉妃畢竟春情瞞不住靈香先逐曉雲飛

花格何曾瘦更寒看花還帶綠陰看畫師讀盡梅花譜如此春光畫卻難

王瑋慶字滿塘琅琊人嘉慶甲戌進士歷官光祿寺卿有滿塘詩集

銓曹署中四詠和雲麓作

吳文定公手植雙藤在大堂後卽今藤花廳也

遺愛雙藤古名賢植右廂古藤記右廂二株宏治六年吳文定公手植陰涼嫌

客熱花淡笑人忙不受風塵染偏霑雨露香我才同散木

開謝幾經霜

王文成公題名碑在驗封司

抗疏為郎日留題姓字新平獠揮將略破敵屬儒臣事定

功招謗才高學累人殘碑勤拂拭趙南顧叔星顧時可同倫

趙乾所先生手書石刻在稽勳司

列宿瞻郎位封章達九天明代郎官得陳章奏謙言銘座右勁節仰

前賢廉吏惟知法清官不愛錢石刻中語冰心饒鐵筆絕似柳

誠懇

許忠愍公瘞骨處在文選司今即其地為祠

殉守不離署至今猶閉門龍髯悲故主髯首瘞孤魂死志

生無媿忠心孝亦存明史容以老父為解滿堂卿貳眾俎

豆讓公尊至今春秋祀之

一片石

烽火連天明社屋國亡家破仇誰復忽聞美人亦被收多情轉效秦廷哭慟哭上書爲請兵數行血淚嗚鵲聲素練繫肩衣如雪負弩前驅玉關行關內蟻賊二十萬橫海列陣來酣戰狂風飛瓦塵蔽天咫尺敵人不相見我師先作壁上觀兩軍迸出刀光寒虜策聲催陣雲黑鶴鷺隊舞夕陽殘忽訝神兵來天上長弓大劍遼東將馬上健兒齊喪膽紛紛遁走凱歌唱只緣紅粉定燕京簫鼓重逢倍有情怪底將軍多反覆君親恩不及傾城

雲麓過小齋見秋花盛開詩以獎之和元韻

小苑半弓地籬花四面開愁當獨坐處時有故人來冷眼宜秋色多情祇酒杯此間成大隱一笑謝塵埃

李周南字冠三號靜齋江蘇甘泉人嘉慶甲戌進士官
刑部主事有洗桐軒詩集

春日客感

暢好晴光感不勝遠游客等在家僧生憎白髮頻窺鏡盼
到黃昏早試鐙久坐茶香濃似酒苦吟詩瘦冷于冰春來
何事關情甚兩度松楸掃未曾

喬用遷字見齋號敦安孝感人嘉慶甲戌進士官至貴
州巡撫贈太子少傅有有恆齋詩鈔

九日送友人赴澧州

杜若芳洲賦楚騷恰當佳節又題糕蒼茫畫舫成千里牢
落金尊感二毛極目雲天排雁字放懷月夜逐漁篙湖山
到處皆堪賞知有幽奇寫健毫

鄭開禧字迪卿號雲麓龍溪人嘉慶甲戌進士歷官廣

東督糧道有知守齋集

家白麓先生故宅

老去江瀕結草廬一官謝卻混樵漁九天丹詔徵修史半
畝青山自著書海島舊曾編日月滄桑時復歎邱墟白雲
山下雲亭路有否當年問字車

送亨甫歸邵武

今時無賀監誰識謫仙才曠世此詩筆隨身唯酒杯紅顏
疑易老白眼怪難開歸過任城下狂歌定幾回

題湯海秋

鵬

禮部浮邱閣詩草

禮部才無敵聲名滿日邊著書窮巷下落筆古人先萬里
沅湘水千秋蘭杜篇相期續騷雅楚國有前賢

王協夢字渭畋號松廬德化人嘉慶甲戌進士歷官江

蘇常鎮道有松廬詩鈔

舟行

五兩南風競扁舟細浪划晚涼生落日暮色帶歸鴉岸闊
煙籠樹潮平水篆沙柁樓纔晚飯詩景愛餘霞

朱達吉字春衢號絳槎嘉興人嘉慶甲戌進士改庶吉

士歷官廣東督糧道

詩話絳槎散館授東鄉令復以中書直軍機處道光
初張格爾之亂軍書旁午頗著勞勩旋自部郎遷諫
議又出觀察粵東卒於官行取之制既罷以縣令入
為京朝官頗不多見初充行省同考繼又充京兆禮
部試同考亦甚罕觀也

游陳山觀祭李介節先生祠和紀半樵 大復韻

山北探薇徑牆東避世天龍腥流筓細蟹眼沸鑪圓尙挾

靈胥恨真同徐市仙梅花黃葉裏村酒醉年年

自德州至景州以河決廬舍淹沒農事未興

浪齧城根睥睨斜窪隆強半浸泥沙忍飢且逐魚蝦利望
稔難憑薺麥花流水空村時吹蛤斜陽新冢亂鳴鴉升平
偶此偏災值已覺哀鴻滿目賒

許家港夜泊

模糊夜色辨柴關龍急崎平又幾灣擊鼓遙知村賽社打
鐘近識寺藏山驚飛宿鳥漁鐙裏絮語寒蛩草露間指點
荒蘆殘月上弋陽塔影見孱顏

鄭敦允字止川號芝泉長沙人嘉慶甲戌進士改庶吉
士歷官武昌知府兼署督糧道有白石園樵詩草

宿彰德

長途腰腳倦且喜罷征鞍日落霜猶溼風多火亦寒
菘經春雪輒酒得故鄉難慷慨挑燈坐三更意未闌

蕭德宣字春田漢陽人嘉慶甲戌進士歷官大名同知

桃花夫人祠

爛若朝霞樹幾行柳隄兒女拜紅妝幽懷慣作巫山夢遺
恨應如漢水長何事多情貪結子難云不語亦含芳榴花
塔合桃花塚留與行人話夕陽

楊花

也隨桃李動芳魂淡冶光陰陶令門倦眼纔飄春夢影修
眉昨畫遠山痕搓酥滴粉剛三月帶霧拖煙又一村苦恨
沾泥期尙早禪心自在不須論

同幕中諸友登高

涼秋愁思太無端高處憑臨眼界寬古道寒煙三鹿接繼輔

以鉅鹿獲鹿束鹿為三鹿長空晴日一鵬盤中原東望連齊履名士南

來笑楚冠行樂人生須及早古來陵墓久荒殘

黎恂字廸九號雪樓又號拙叟遵義人嘉慶甲戌進士

由知縣歷官雲南巧家廳同知有吟石齋詩集

夏寨江漲不得渡反宿夷寨

雷雨漲蠻江水急浪掀簸高沒大石磯例不容鼓柁夏寨江漲

淹沒江邊石柱舟子即不敢渡籃輿已江邊復返陟鬼柯欲尋昨宿處路

長計或左峯腰有人家種類盡夷獠男婦足蹒跚兒童身

袒裸土屋集臭穢芭籬懸果窳此豈非吾民寄宿亦聊可

煮茶泉渾渾炊飯粟顆顆雜然同一宮牛羊雞豕我獻片

者何人緇布將頭裹長跪前致辭謂我為民爹慰勉麾之

去獨對山月坐伙頭獻雙雞蜀黍受其黍而還其雞無膏油奈何且爇松明

火

大把關

翳翳下斜陽暖暖見村塢荒林老樹邊聚落成三五門外
放雞豚檐前坐翁姥秋禾既登場冬菜亦生圃沽酒不用
帘獵獸或張弩地利本境瘠民俗復椎魯生當太平時居
然稱樂土惟聞靜德僧畏爾採樵斧地近方山各村民無日不竊山樹

鄭子尹珍堦生日作長句示之

鄭子有才不可羈卓立天骨矜權奇鄭子能文苦不遇卽
今三十已虛度少年曾讀等身書尋常咳唾皆成珠饑來
一字不堪煮吁嗟吾道其非歟小住京華歇行腳依舊歸
心殊落落如入寶山空手回江湖與我同飄泊買魚沽酒

向沙津

時泊舟沙洋

一醉東風桃李春英雄未必無知己相爾

豈是蓬蒿人

舟過武昌縣遙望西山樊口松檜參天林壑隱秀以

不得游覽爲憾

不羨釣臺魚不羨西門柳但願青鞵布襪一枝藤踏徧寒
溪西山與樊口樊口佳絕臨江天松竹蔚茂鳴風泉漫翁
家處石曰在東坡先生留五年名賢流寓亦偶爾至今草
木猶清妍我來二月風濤壯葉葉蒲帆破春浪如此山川
不少留驚聞猿鶴空惆悵萬松嶺九曲亭意想幽景無人
行何時飛步躡雲嶠一聽黃州鼓角聲

殘臘積凍連旬癸丑元朝倏爾開霽喜賦

凍雲膠合天夢夢田水結作冰玲瓏啄枝乾鵲跼聲啞野

梅千樹無春容老夫經旬不出戶呻吟有類號寒蟲豈知
歲朝忽澄霽六合晃朗光冲融里鄰紛紛賀新歲花旛爆
竹喧兒童天運窮極固必反否復還泰理則同行將策杖
尋樵蹤往聽百舌呼春風不然放艇隨溪翁閒窺錦鯉跳
波紅俯仰乾坤亦自得無爲齷齪嗟龍鍾

秋夕

百感此交集小窗明月陰梧桐支老幹蟋蟀訴秋心憂患
夢如昨蹉跎人到今生涯三畝在不必問升沈

秋寺

征雁飛飛塔上頭深藏蘭若地清幽半林落葉荒山路一
杵疎鐘冷寺秋僧杖乍歸雲滿鉢佛鐙初上月當樓行將
看菊來禪榻靜誦楞嚴學比丘

山行卽目

曲曲斜斜坡路危黃茅岡上晚風吹僕夫短笠入林去野
果分嘗山荔枝

大如彈丸味甘可食
嶼人呼爲雞菌子

范仕義字質爲號廉泉保山人嘉慶甲戌進士官如皋
知縣有廉泉詩鈔

君山

一帆天上落山色撲鬚眉斑竹湘妃墓丹楓柳毅祠風濤
環岸涌鐘磬出雲遲到此襟懷闊長吟遠望時

門人蔣純甫自吳淞來訪詩以慰之

昔宰吳淞日憐君有異才如何十年別猶是布衣來橋自
題司馬臺應築郭隗相逢吾慰汝莫效阮生哀

路孟達字希興號竹舟畢節人嘉慶甲戌進士官榆次

知縣

秋日洗心齋雜詠

不羨中條住，還依半畝棲。
梅梢侵閣破，山影壓牆低。
晚稻千畦紫，垂楊一帶齊。
終朝孤賞迥，何必藉偏提。

枕上得句

旅枕無端寐不成，客懷如蝟對寒檠。
聽殘鼓角三更雨，夢逐關河萬里情。
兩地看花添別恨，一番聞雁感浮名。
低徊往事無聊甚，起步中庭月正明。

望船坡

叢篁深箐午雞啼，怪石嶙嶙高復低。
莫道前山歸去早，斜陽人在斷橋西。

潘曾沂字功甫，號瑟庵。吳縣人。嘉慶丙子舉人。官內閣

中書有功甫小集閉門集船庵集江山風月集放猿

集桐江集

詩話功甫為相國文恭公長子少有異才澹於榮利壯歲即謝職歸杜門學道自稱前身為僧詩初近樊榭以幽秀為宗繼放之為東坡誠齋生辣又近姜白石晚乃取逕寒山以識解勝喜猿喜鶴時時詠之蓋以自況也

春日雜感

吳根越角路懸懸自別西湖十二年一塔送迎來往棹四
山出沒雨晴天荷亭翦燭縈愁夢茅屋題詩結淨緣獨有
北山荒館在不堪寫入昔游篇

與王

嘉祿

別後晚止小五臺

江上客不發遲君七日思愁中況有別春後欲無詩水鳥
歸前渡漁煙帶廢祠寄懷官閣伴正及詠潮時

船菴八鶴詩

一鶴始居籠中損傷脫籠卽化去今存七鶴

一鶴戛然鳴且走一鶴喉間得其偶一鶴低昂態嫺雅愛惜羽毛臨水久一鶴張翼思高奔雖舞未暢神抖擻一鶴局促飢啄泥呼立座隅忘其栖一鶴側睨常畏羣階除得食甘排擠一鶴凝然獨足立一足深藏滅盡跡以首入毛神入睡有時動搖醉兀兀七鶴先後來海濱二鶴習熟五鶴新天然不肯食白小豈竟長齋學主人主人愛鶴世無比每日未明先鶴起一童自願司七鶴新得頭銜寒院使飢來與米渴與泉過午常靜朝常喧如往而復若閑步難進易退知渠然前日東鄰說聞鶴不見其形在高木翰音登天何可長鵲占燕睇於誰屋冥冥氣感吾先知中心願和會有時此是青田老神鶴來送清聲到鳳池支公謂鶴

聯珠齋詩話卷一百二十一
非近翫何至以身聽呼喚向來人道凌霄姿不圖世有焚
琴歎養翮俱成使速飛俯窺仰察兩忘機到門不敢高聲
價買鶴門前自古稀

洞庭湖登君山醉歌用杜公寄韓諫議注一首韻

潘子六月游岳陽欲覓君山老木牀三生注定一宿覺假
寐愍斯蘿蔓荒君山返照入我鏡騰蹕白猿飛劍霜溺泥
老象叱不起欲以鐵鉤鉤鳳凰雲中之人坐衡嶽吹竹發
聲滿瀟湘安得王子白玉漿灌而注之元膺旁蓬頭狡獪
戲幽闕赤松願棄孺子良老龍下天搖尾乞孫公見之神
內傷與以刀圭六七服中有君山仙酒香化盡老辣薑桂
性獨食太和主壽昌酒香路滑石鑿鑿潘子坐守三彭堂
漢陽登晴川閣至歸元池小憩出寺訪蓮花隄散步

攜亢止一酒家小飲復過月湖隄上琴臺

晴川歷歷自返照葉落歸根進步來可有龜巢蓮葉上化
爲脈望戲琴臺

白蓮無語鷺寫照水草忽開魚聚行日暮琴臺心不動一
鐘惟有漢陽清

房莊獨坐樓上望蔣生舟至湧金門

望爾扁舟裏蒲帆帶雨閒破窗秋在菊終日坐看山引氣
猿攀檻收心馬就閑夢時曾結襪渴想十年間

汪遠孫字久也號小米錢塘人嘉慶丙子舉人官內閣

中書有借閒生詩集

詩話小米家富藏書覃精著述撰詩考補遺國語考
異發正漢書地理志校勘記所校刻書又十餘種

友積堂三慶桐蔭覓句圖

絕清多詩匯卷一百三十一

科頭小立倚疎桐，蹋徧蒼苔徑數弓。
涼意乍生新雨後，詩情都在一秋中。
影同雪碎庭篩月，聲比泉清樹卷風。
四壁蕭閒發長嘯，更聞孤鶴唳遙空。

送嚴鷗盟先生入粵

元亭問字甫經年，聞唱驪駒意緒牽。
練習史材崔慰祖，專精選學李崇賢。
喜從病起身逾健，未送君行別轉先。
見說將軍重揖客，官齋聽鼓足高眠。

唐樹義字子方，遵義人。嘉慶丙子舉人，歷官陝西布政

使，護理巡撫，以事罷起授湖北按察使，殉難諡威恪。

有夢硯齋遺稟

詩話：子方詩近玉溪，尤多綺語。己而見危授命，大節凜然。乃知廣平梅花不足異也。金口之役，督水軍，勦賊，巡撫崇綸奪其軍，作絕命詞云：疆吏不和羣情解體，獨力難支，惟有一死遂投江以殉。時當事者尚多

異議久之
事乃自云

舟夜不寐懷直夫

幾年蹤跡賦江離四海論交說共誰別後更無詩可讀近
來惟有月相隨曾游五嶽君真健不負千秋我所思記取
長安風雨夜一樽清對數吟髭

劉喜海字吉甫號燕庭諸城人嘉慶丙子舉人歷官浙

江布政使

詩話燕庭以名公子孫嗜學好古初舉賢書以任子
為郎一麾出守游陟藩圻歷官所至搜羅金石苑長安獲
摩挲考訂所著有三巴香古志海東金石苑存海東石
占編昭陵復古錄海東金石存攷古甲偶存海東石
墨古泉隨筆泉苑精華論泉絕句古泉苑諸書其他
摹勒鐘鼎款識名人書翰猶復哀然成帙乾嘉間治
金石學者著述為最富云

雲驥閣落成

絕清多寺匯卷一百一十五

九龍蟠屈卧秋山松徑雲深掩竹關雙塔夕陽煙樹渺一
橋波影鷺鷗閒多君樽酒牽離緒遲我梅花索笑顏結構
初成供遠眺記游回溯紹興間

劉禮淞字菘荃丹徒人嘉慶丙子舉人歷官懷慶知府
有青藜閣吟草

瓜洲聞笛

月上潮生夜泊舟綠楊夾岸是瓜洲誰堪此夕聞羌笛江
北江南動旅愁

秋感

金井涼生墜碧桐天涯搖落意何窮西風木葉催歸燕南
國音書望斷鴻冷淡心如三徑菊飄零身似九秋蓬閒來
聊酌新醅飲萬斛愁消一醉中

秋日遣興

山山翠色入孤城雁外寒雲獨去輕十載世情看日澹四
時天氣愛秋清簿書閒自囂風變樓閣涼從夜雨生桂影
婆娑香萬斛芳醪那計舉瑤觥

寄示竹笑四弟

極目閒雲度遠巒愁懷萬緒寫烏闌半生世態看多悟八
載官場夢未安進固灰心真不易退何生計亦爲難一麾
儻得分符早琴鶴相期據寶鞍

懷慶道中

輕暝輕寒際鶯聲不斷聽煙浮清化白天入太行青村舍
多依竹池塘始泛萍長隄斜照裏萬柳綠如屏

曾興仁字受田善化人嘉慶丙子舉人官分宜知縣有

樂山堂集

華蓋山

搖鞭撥霧興彌酣為訪仙踪拜鐵龕絕頂果然真不染蓮

花心跡付山南時以蓮花寶蓋四字題石

張履原名生洲字淵甫震澤人嘉慶丙子舉人官句容

教諭有積石詩存

葉眷西曰淵甫之學主於治經窮理故其為文言皆有物宗法考一書為數十年心力專注之作垂成而歿詩亦高迥絕俗張鐵甫云刻畫清微澄然風露之表王亮生云一真孤露萬象畢發言與理會道以神超二君所論
狗得其真際
詩話淵甫詩思清夔語妙可傳其感時紀事之作亦惻惻動人特儒生閉戶殷憂所聞非必徵信類此諸詩多從芟擇校錄
斯集附著大凡

步月

幽興不能留雙扉手自闌高樹靜無聲涼雪一村積夜氣
決羣蒙野色洗孤魄似身水中行俯影亂竹柏好風微欲
無餘雲澹將碧拊我清曠胸內外兩不隔

過邵伯湖

水行意如仙蒼波去浩渺朗然空色中物我同了了湖外
復有湖斷續疏林繞風帆隔浦多漁舍回洲小微雲交日
光澹澹浮虛杳時見枯蘆間決起數沙鳥

妙香樓

虛樓納眾光眺遠目生眩化機妙潛移雲物已多變菱蒲
千頃青太湖繞匹練可惜百萬蓮零落涼波面靜觀得本
真超神祛餘戀妙香如有聞縹緲不可見

雨後登石公山

微雨洗秋山我趣正與適不辭石路滑聊破篷窗寂崖泉
濺衣飛林翠迎面滴一道下臨湖軒宇向空闢浩渺天水
交混作太始白幽洞啟懸崖危亭置高壁深探巖乳垂極
眺湖煙隔我欲上雲梯古苔絕人跡裴回已夕光霽月出
寥碧

舟中望慧山

一峯漏晴曦一峯白雲翳須臾日過峯並入空濛際雲淨
日散輝山轉峯殊勢峯峯自聯縣婉與行舟會何必攜屐
登空翠妙遠睇山坳樹一叢茅屋孤煙閉此中儻有人今
我渺幽契

夏夜雜書

人心固有藏舊識不可除我宅已三徙夢不離故居區區

一藝事病雜繇當初十年不近樂妙響方出虛況迺此靈
府而以蕨俗儲如何一盪滌中夜起踟躕

夢中獲異寶固握恐其遺及覺乃空手道然用自嗤生來
本何有死去復焉攜惟此真實性敬以還兩儀愚夫誇積
聚志士愛聲施聲施豈不廣一暝奚所知

海水趨尾洩堃腹含渾渾更乘眾脈出散作萬水原水極
良有反天一還生新新故互不息可以觀本根人身亦如
此流衍恃元精貴精終有竭惟道乃長存毋作柱史見徒
以養生論

植物多暴長既長亦易枯修竹長交翠獨與松柏徒何繇
而能然勁節稟生初君子尙剛正小人習柔濡霜風一振
厲蒲柳竟何如

聯珠詩話卷一百二十一
子齒去其角傅翼兩其足神挺鑄羣形默以寓鉗束奈後
橫目民囂然恣爭逐匪足走更先善觸不以角所繇君相
勞政今日煩促上治治其心無形感自速正身萬物理敬
用告司牧

夜歸

層陰雪意交扁舟路修永來帆一黑中舟子相聲警沿澗
入前溪風峭斷冰打深林幾人家隱約寒鐙耿渚禽宿未
安村犬吠還靜扣舷一以吟思與夜俱冷

落花寄鐵父先生

落花已如此春雨一何深之子隔流水荒雞聞暮陰寥寥
谷口跡寂寂汾亭心紛我慨多想同君抱膝吟

山道步月

仙乎一月寫虛空巾拂飄然朗朗中草樹微光知著露水
天清籟略因風峯陰忽覺當頭閭泉脈無端撥手通此夕
長吟誰與聽高寒鶴影忽飛沖

自東山渡湖至吳淞

白雲淡寫數峯晴忽忽風蒲鏡裏行落木無多逢雁蚤滄
波不極逐鷗輕殘鐘晚唳雙林寺斷劍秋華一字城掃卻
蒼涼懷古意浮家少伯共平生

村居雜詠

阜茨林邊亂石垣依然卜宅是南村比鄰兒女聚觀客赴
市魚鰕先到門薪火微添蠶起候圓沙淺印鷺眠痕江鄉
風景眞如畫并入田園詩細論

豆華寒雨過橫塘一曲晴虹挂水長溪影定餘雲漠漠林

霏開正日涼涼游魚小側清灘白亂蝶低團淺草黃已覺

西風搖落意柴門閑看拾枯桑

方垌字思臧號子春又號朔夫平湖人嘉慶丙子舉人

官錢塘訓導有生齋詩集

詩話子春私淑於鄉先正陸清獻篤志程朱之學詩自王孟入芬華明婉無講學家習氣

野眺

疏林茅屋動炊煙早稻初花香滿田柔艣咿啞答人語一

湖秋水賣菱船

雨歇平皋野水渾幾家深閉竹間門秋桑未落薑芽白斜

日烏鴉嘯過村

聞馮柳東登府乞休歸里

半年暫酌桃溪月千里俄歸長水居幸免折腰爲俗吏徑

思高枕卧衡廬竹垞秋老閒移艇梅里花深伴著書誰識
故人容鬢改歲寒依舊上征車

劉涓初名天民字孝長號莘農天門人嘉慶丙子舉人
官遠安教諭有雲中集

秋懷

搖落丹楓萬緒哀振衣長嘯最高臺千家斷杵先秋落八
月飛濤動地來壯志多乖愁倚劍中原無事任銜杯誰知
明鏡凋鬢鬢欲老甘泉獻賦才

遇王縉雲爲述魯之近狀

中原二子分飛後不見滄溟跋浪開阿大相逢初問訊王
郎落魄使心哀江山入蜀多奇氣風雨論交必雋才請爲
楚狂盡卮酒高歌西望故人來

塞上曲

路繞燉煌更酒泉橫戈誓欲掃窮邊傷心一片長安月直
向黃河盡處圓

俞鴻漸字儀伯德清人嘉慶丙子舉人有印雪軒詩鈔

過鶯脰湖

山水能娛人積久動成癖自聞鶯脰湖夢寐不忍釋今從
禾中歸迂道此挂席層湖斂夕陰空水混一碧魚標露兩
三蟹舍近咫尺緬懷元眞子晚作垂綸客煙波深復深蓑
笠適其適一泛湖中舟千載仰遺跡我有釣竿手苦爲利
名役大呼漁翁來乞與數椽宅春水桃花紅秋水蘆花白
鼓枻凌蒼茫不知天地窄

泰安道中望嶽

朝來晴翠撲征鞍，泰岱峻嶒聳萬盤。
五等秩班侯伯上，四圍山作子孫看。
雲光繚白晴疑雨，石氣飛青夏亦寒。
惜未筍輿煩地主，碧霞宮裏倚欄杆。

臺城

妖夢妄祈四海一，梁家金甌從此缺。
青絲白馬渡江來，百道攻城城欲裂。
太平寺主誰堪充，往者思縛蕭老公。而今
幸得償厥志，豈肯復以人臣終。吁嗟乎蕭郎
三十貴，莫比尙憶兵從樊，汚起毛人夜投黃鶴磯。
旣得皖城益，自喜兩龍導艦來中流。
六要八貴同時收，勸進豈止沈家令。崇儉
力反東昏侯，奈何晚年惑象教。深宮作事盡
顛倒，徒將大會誇無遮。忍令血食斷宗廟，一
朝國運顛難扶。此身竟捨跛腳奴，爲問爾時
淨居殿金錢欲贖其能無。于今事往已

千載世界滄桑凡幾改剩此荒涼地數弓道有當年遺跡
在斷址頽垣一望平僧廬弔古添幽情微風蕭瑟撼林樾
猶作荷荷索蜜聲

大境門

書生坐一室鑿空談兩戒既未足跡經豈免多所怪繁余

披短衣三年歌出塞巍巍大境門攬勝茲游再去年借吳丈亥汀同

游曉日明戰場微風淨埃盞萬帳屯中央營開見旌旆天

公妙設險有意限中外突然作一束兩崖岬相對城高鳥

飛絕徑窄馬蹶礙以此控北部豈曰非要害邊聲起驚笳

明駝過成隊有令促下鞍行人罔敢懈出大境門皆下車目覽地

勢雄心識神州大他日話游蹤抵掌亦一快

西臺

如意敲殘石有痕高臺直上倚雲根釣魚幸傍嚴陵渚化
鳥曾招信國魂大地茫茫王氣盡空山隱隱哭聲存于今
晞髮人何在聽徹樵歌日又昏

林端字章甫上元人嘉慶丙子舉人有偶然居士遺藁

詩話章甫江南名元屢躓春闈遭際離亂遂隱於醫
嘗謂爲貴家擬方羣言互濟雖有良藥卒罔奏效卽
天下事可知矣詩高淡明秀著作甚富多毀
於賊尤工聯語爲人傳誦略見鱗爪而已

有感

啞啞慈孝烏母子還相哺豈曰知報稱所性與眾殊哀哀
鴻雁鳴道路逾江湖寒暑迫天序南北乃異趨鳳凰翔干
仞振翮低天衢食實自有竹棲枝自有梧奈何游楚地貽
笑狂接輿

喜晴

晴光耀窗紙猶滯昨宵寒雨霽日方永花遲春轉寬何曾
山色換只覺鳥聲歡欲覓采芳侶沈吟一倚闌

夏日書懷

頗許身無事乾坤覺氣清安眠詩入夢謝客懶知名歌泣
都成贅寒暄各有情要津懷舊侶冒暑正長征

詠柳

細雨斜風幾日晴勞勞亭畔又清明飛花澹澹無顏色送
客依依有性情天上青光分列宿人間高隱託先生眉痕
自好何須畫深淺時宜任變更

下第南歸

櫻桃粒粒樹紅酣尺五鱗魚上竹籃湖影漸寬山漸好馬
頭風輒入江南

甯熙朝字雙梧號柑堂潛江人嘉慶丙子舉人有江南
游草蜀游草庚辰草

荻港

帆與鳥爭飛日行五百里用風不可竭快意且須止來日
豈無風再行未晚耳荻港山色佳人家枕流水忽驚幽谷
人絕勝苧蘿美地僻況家微重聘焉到此我亦待嫁身自
嫁素所鄙展轉五更頭又報順風起

登吳山同郭耕梅

吳山第一峯頭立倒卷天風卻上吹左界江潮驚萬瓦西
橫湖翠撲雙眉何年鶴化丁仙骨終古鵲唳伍相祠城郭
不須懷舊詠白雲散盡萬松枝

劉沅字止堂雙流人嘉慶丙子舉人有止堂韻語存

詩話止堂講學初宗宋儒繼乃會通三教於導
養鉛汞之旨號有心得著書等身蜀士多稱之

榮經即事 古嚴道地

競說銅山利誰憐象齒焚雙江成古壑一馬上秋雲人事

風波駛天心冷煥分自象嶺以南夏亦披裘至縣始煥箐林春未晚蔬筍

戀餘薰

劉熊字南遠號湘華番禺人嘉慶丙子舉人有仿舫詩

鈔

夏日蒲澗寺遇雨

樹密不知雨但聞蕭颯聲雲陰團石磴嵐氣逼秋杵瀑瀉

峯千尺荷喧水一泓夕陽新霽後禪院晚鐘清

旅懷

又是凄風苦雨時風如刀翦雨如絲一身頻走數百里此

地會無三兩知得酒畏寒衣欲換攤書引夢枕常支倚閭
悵望嗟行役好報平安慰所思

始興江口

岸曲重灘急沙平亂石蟠星光搖水白霜氣煉山丹野柝
荒村近疎鐘破廟寒停舟懷往事霸蹟久銷殘

胡貞幹字時棟涇縣人嘉慶丙子舉人有杏軒集

詩話時棟瘦如鶴立寡言笑平居手不釋卷工詩兼
善駢體文海昌查梅史華亭顧荃士張詩船皆折行
輩與交詩船尤稱其樂府歌行別饒哀怨歿年
二十六疾革時埋藁付其友王澹淵屬爲點定

清明

次第名花鬪豔妝新栽桃李漸成行小園鎮日飄紅雨蝴蝶
一雙飛過牆

春雨連朝漲碧池竹林新筍透階墀不須更製青精飯惟

喜新參玉版師

值友

河梁言別後芳訊久相違聚首復茲地深宵且未歸松風
和琴韻花影上春衣煮茗情何限依依月照扉

趙北口

朱闌十二柳毵毵入水亭臺影倒含買得魚舟堪度歲燕
南風景似江南

露坐

涼風蘋末正悠然不乞瓊漿漱石泉籬角月明螢乍隱花
陰露細鶴閒眠野人長物園生藿榜妾江歌夜採蓮此際
瑤宮正岑寂可容槎泛斗牛邊

催租謠

八月冷風穫未畢老農在田吏在室呼農爾來前爾胡不知律縣官新政催科急百里官糧限三日南城豪弁虎而翼前日圍扉辱徽纒西街舊宦居要職昨日公庭被呵叱諒爾小民不能匿吏色揚揚老農泣牧豕兒歸覓棗栗

李洲字碧川號居來魯山人嘉慶丙子副貢有松蔭精

舍詩集

詩話碧川與弟渡于岸皆受業於授堂精研樸學碧川有論語小學五代史註于岸有公羊春秋學授受表伊闕石刻記樂律表承授堂之緒有所發揮惜其書未行世知之者鮮

夜泊棲霞山下

竟日暑光中維舟夜待風浮天江氣白隱樹寺鐙紅清味全消病鄉心半欲空來朝帆布穩歸路興何窮

晚晴移詩匯卷一百二十六終